


TMC 5531- / 0692 (3)

36024





成山草堂稿

卷一

計七十首以下壬子訖丙辰

感秋

冥冥川色冷肅肅山骨清草萎露陳根木脫撐空稜洞房靜延
爽高閣虛抱明悲嘶動邊馬猛氣搏蒼鷹寒蟬啼唧唧飛蠅絕
營營春陽幾展布秋緒忽憑陵生殺轉移間天道安可恒
學書苦未成乃又去學劍劍又不竟學蹉跎百年憾邇來頗勤
讀初不求其驗有如患沈疴我但痛鍼砭雄心不肯下孤獲竊
自饜常恐歲云徂此意祇能暫悠悠波上舟皎皎匣中鑑百願



不一酬恒勞父母念

我生鮮兄弟行處誰與適豈無他人歡終是傷孤特即今寄他鄉不敢憶曩昔却復顧衆雛一一須扶掖何時羽翼成飛翔滿吾側微雨響長廊寒燈照虛壁憂端從中來浩蕩不可極采采黃菊花芳香滿籬落人皆附炎熱子胡甘隱約春風二三月桃李光灼灼觀者競填咽車馬紛交錯春風一以過枝葉付漂泊經過舊時人愛憐不如昨快意苦遭辱趨營終見惡本不近艷陽何由歎寂寞酌酒壽菊花子守我不若

長安多少年揚揚塞衢道折骨學之趨拊心終自惱向來利鈍機蹉跎苦未曉遭逢自有時立身自有道古之不朽人名成半

題疑髓

之說

貴從區區何足櫻懷抱

出山雲層飛投林鳥知倦而我背鄉園勞勞何所春陶公本達士衣食恒感戀伯鸞號逸民耕織常鄙賤乃知高士蹤每不自安宴因人而成事碌碌無足算

簷前十圍木剝剝蟲蟻蠹橫被雨露澤了無棟梁具至仁在斷斬一警始百懼擇日命僮僕斤斧難爾怨庭宇豁然開耳目迥非故嗟彼枝柯孳多為土膏誤僮知必傾覆亮無肆盤據

別葉如客心日夜秋風驚攬衣出中閨躑躅循空庭庭空愁竟滿地坦情難平高歌長安市慷慨誰能聽念我平生歡路遠不合并琅然古肝膽持向何人傾

不一酬恒勞父母念

我生鮮兄弟行處誰與適豈無他人歡終是傷孤特即今寄他鄉不敢憶曩昔却復顧衆雛一一須扶掖何時羽翼成飛翔滿吾側微雨響長廊寒燈照虛壁憂端從中來浩蕩不可極采采黃菊花芳香滿籬落人皆附炎熱子胡甘隱約春風二三月桃李光灼灼觀者競填咽車馬紛交錯春風一以過枝葉付漂泊經過舊時人愛憐不如昨快意苦遭辱趨營終見惡本不近艷陽何由歎寂寞酌酒壽菊花子守我不若

長安多少年揚揚塞衢道折骨學之趨拊心終自惱向來利鈍機蹉跎苦未曉遭逢自有時立身自有道古之不朽人名成半

皆老富貴徒區區何足櫻懷抱

出山雲厭飛投林鳥知倦而我背鄉園勞勞何所眷陶公本達士衣食恒感戀伯鸞號逸民耕織常鄙賤乃知高士蹤每不自安宴因人而成事碌碌無足算

簷前十圍木剝剝蟲蟻蠹橫被雨露澤了無棟梁具至仁在斷斬一警始百懼擇日命僮僕斤斧難爾怒庭宇豁然開耳目迥非故嗟彼枝柯拏多為土膏誤儻知必傾覆亮無肆盤據

別葉如客心日夜秋風驚攬衣出中閨躑躅循空庭庭空愁竟滿地坦情難平高歌長安市慷慨誰能聽念我平生歡路遠不合并琅然古肝膽持向何人傾

晨起登太行艱哉何屈曲我馬却不前我車摧以覆疾風飛嚴
霜皸裂那容縮僕夫向我言何不改吾軸長安幾許人擾擾爭
馳逐要路據多滿庸材騰轉速何必身後名且飽眼前腹再拜
謝僕夫吾亦慮之熟

人生當困約常苦不得意及其得意時又有無窮思以此百年
內逐逐為形累不知頭上翁安能滿吾志裁衣貴衷體豈必錦
與紈烹飪貴果腹豈必雞與豚花媚以春生葉病以秋故本自
同根株隨時安所遇

皎月出空際微風含遠林烟光引輕素潭影沈秋心佳客期未
至憑几理瑤琴却復轉洞房挑燈起微吟豈不愛景光常恐寒

氣深寄言夜遊者無使霜沾襟東不與書半破北風與土來
平生秘中散疎懶故無對氣味多冷澀酬接寡朋輩獨於一室
中俯仰發孤會手持坡公詩諷吟坐忘睡窮人墾瘠壤生理出
荒穢當其有自得不復憂放廢露下秋聲高葉脫霜氣碎渺觀
衆化殊悠悠百年內
南屏吳先生以二律見贈得四百字奉酬聊志欣慕云爾
家君氣豪邁風采故無比談言杯酒間往往羅名士我幼時侍
立頗以自厲砥邇來十餘年閱人故多矣低首無間言屈不三
四指家君每愀然謂我病入髓惟虛乃能狂不則妄庸子命從
毛先生稍稍具根柢因緣師論說得識翁名氏黔山高峩峩湖

波浩而此神往不可留道遠莫能通竭來長安城百寶張謫詭
驚怪不知名眩晃難審視杜門從人譏獨學空所倚無才自孤
陋敢與時賢齒蹉跎二年餘所業百不是回思從師時慙惡烏
能已今春翁及師相隨入燕市北海延開樽中郎迎倒屣方當
相騏驎肯顧鹿與豕期許亦到我勤勤感人意翁心有士模其
志經道禮過從必移時坐覺消各鄙文成示我讀真氣出其裡
古之立言者豈不在於此更從請詩律味之淡彌旨棲心在水
雪那復艷桃李篇什富於師興趣良有以門徑畧差殊矩矱實
同揆慷慨念吾師多病常九死依人竟成例飢驅幾時止讀書
不救貧浮名何處使自從在鞦韆東不見書半紙北風海上來嚴

寒中衣被孤館更對誰起居定何似洞庭惡波濤消息驚人耳
誰為之主持家屬免流徙我亦苦留滯每將歸計理闕河盡梗
塞感歎成坐起作詩敬謝翁執鞭竊欣喜

洪南陔同年家君宰江夏所取士庚戌春與余先後來京師從
容往來歡然無間近以家鄉蕩廢骨肉紛破急歸尋消息臨
別不能無言
離別在頃刻惘惘如夢寐執手氣已咽了無言可慰男兒事結
局意想竟不至平生鍊石心為君一下淚

出都

朝日照太行春風滿城闕遊子思故鄉駕言事行役維時方憂

虞道路多阻絕愧無幹濟才一補朝野缺男兒厲名節不進退
當決一身未能安舉國何由活况我鮮兄弟倚閭望久切胡為
金石性致爾微名奪慨想五噫吟吞聲不忍說

武昌書事

京國一揮手扁舟到鄂城江波動腥血夜雨灑悲聲故舊人何
在功名我未成重來游歷地不覺意縱橫
黃鵠磯頭望人家半有無烽烟竟吳越兵氣漲江湖感激思陶
侃蒼茫弔勃蘇多材惟楚國急為起馳驅

一夕數驚徙斯民實可悲不曾戡禍亂何以起瘡痍重施秦人
霸多門晉政衰此方憂未艾戮力莫相疑

章貢無千里相依况輔車裹糧先杜隘捲甲疾乘虛縱不懷恩
賞能無畏簡書賊飢鋒挫甚切莫費躊躇
攪水魚難活驚弓鳥已傷急應問疾苦無復慮跳梁馭亂原多
術明刑自有常還聞漢汲黯高枕臥淮陽

晋室多稱亂成功倚上游曾聞爭斷饜終是在焚舟枯朽何難
折橫流絕可憂無為更觀望與子况同仇
襄陽古重鎮叔子此窺吳轉饜輸川洛連旗出鳳廬節當迎刃
解勢比順風呼時事今愈急諸公忍後圖
聖主獨嘗膽諸公多愛身至今寬賞罰安得肅風塵典郡須良
牧安危倚重臣何時後車載方召未無人

六月十八君山下阻風雨
是何蛟龍戲作此風雨怪留登君山巔俯瞰湖波大岳陽古巴
邱用武無此最胡為自決防未戰士先潰遂使逆燄張狂笑不
可制人謀信不臧天心亦多悖既曰縱妖亂設險無乃贅差幸
茲山土未為凶人穢我生飽艱奇性命輕於芥行止兩隨緣何
勞舞澎湃
穿崖
青冥壓危巔洪波撼側足窈然中洞穿苔影發古綠小語鐘磬
驚遙遙出空曲過人知幾許茲景都不覺儻置江淮間早已汗
塵俗乃知造化心特使全孤獨自來天下材未許衆人畜感歎

復何言聊作異書讀

魚子洞

朝發入沅陵奇險非一端亂峯圍白日羣木撐青天楚人破崖
居飛鳥耕石田行經魚子洞不異升層巔牽夫頭搶地始得寸
步前回眺界首領高僅如我船旁舟疾下駛脫若箭離弦造物
豈有意遲速隨其緣一笑謂妻子莫嗟長棄捐

清浪灘

亂山蟠五溪餘勢猶奔放雲橫石角飛江動崖尖漲哀猿啼數
聲白日慘不亮頓覺宇宙窄那知身世曠苗民久安居豈必盡
剽掠近聞當路子殺戮頗過當國家方憂虞邊徼不暇防吾恐

旦夕間此輩未可量前登伏波祠再拜默惆悵
孟家田

萬事不如人差得險阻勝舟行近三月苦覺南風競楚語耳迷
離家山夢零刺朝來孟家田隔江呼可應驟雨掠篷飛橫吹過

事學字誤寫

大盧茲

清晨過蓮州迎面不覺仰白浪逆船飛飄若乘雲上日午見鸕
鷀竒險更無兩我船奮不前窗扉苦震蕩斗然上波來驚我不
一想萬里踰已過三年度真枉齊東漸風塵滇南更搶攘茫茫

宇宙間吾行將安放

自黔陽至沅州

山水灣環合田園高下肥炊烟倚風直燈火出林微地僻有勤
儉年豐無是非何時畢昏嫁於此著柴扉
密雨斷還續孤燈寒自明中宵動鄉思不寐枕灘聲赤水又添
戍東川方用兵何當選良牧無復慮縱橫
石色摩天冷雞聲出霧遲蒼涼秋在目容易醉成詩帆轉山逾
曲灘多夢不知去家僅千里到日轉迷離
水滿盛秋色山空貯客愁艱難今日事留滯上灘舟濁酒不辭
醉詩篇且浪收近來何所羨沙際有輕鷗

旦夕間此輩未可量前登伏波祠再拜默惆悵

孟家田

萬事不如人差得險阻勝舟行近三月苦覺南風競楚語耳迷
離家山夢零刺朝來孟家田隔江呼可應驟雨掠篷飛橫吹過
努勁船脣陡作底旋轉莫能定我時方危坐默待神所令忽若
有物憑手把船為正酌酒慰妻孥不死我有命

大鷓鴣

清晨過蓮州迎面不覺仰白浪逆船飛飄若乘雲上日午見鷓
鴣奇險更無兩我船奮不前窗扉苦震蕩斗然上波來驚我不
一想萬里踰已過三年度真枉齊東漸風塵滇南更搶攘茫茫

宇宙間吾行將安放

自黔陽至沅州

山水灣環合田園高下肥炊烟倚風直燈火出林微地僻有勤
儉年豐無是非何時畢昏嫁於此著柴扉
密雨斷還續孤燈寒自明中宵動鄉思不寐枕灘聲赤水又添
戍東川方用兵何當選良牧無復慮縱橫
石色摩天冷雞聲出霧遲蒼涼秋在目容易醉成詩帆轉山逾
曲灘多夢不知去家僅千里到日轉迷離
水滿盛秋色山空貯客愁艱難今日事留滯上灘舟濁酒不辭
醉詩篇且浪收近來何所羨沙際有輕鷗

重游棲霞寺余戊申己酉讀書寺中
不到棲霞寺今年又五年山花猶識面
楚水故依然愧我非高
隱何時向石泉空餘讀書處留待後人鐫

將之楚省侍數言示內
人生天地間所學果何事聖賢無男女不朽皆一致寒冬十二月凌晨戒行李胡為遠行邁去向干戈裡感激許驅馳堂上人老矣再拜別慈幃流涕不能止嗟我鮮兄弟疇為奉甘旨兩嫂况孤貞羣兒尚幼駭教養及婚嫁伊誰云料理四方正多難得不慮流徙我止一寸心安能萬段使不見古列女支持門戶美恪恭兼子道毋貽父母恥

別黃子壽

平生數心交君外無一人况復世相好重之以昏姻曰予遠行邁江湖多風塵風塵亦不計生死隨吾親顧念老病母惻惻中心焚執手更何道流涕沾衣巾請今雖家政聽子而後行努力保歲寒毋為後世嘆
祀竈日大雪泊銅頂
浮生原過客小艇亦吾家
楚菜都供飽山醪何處賒
蒼涼顧時勢感激去年華
欲作家書寄雙魚不可遮
灘聲慣侵枕雪勢欲沈山
船泊松陰下人來茅屋間
他鄉會佳節永夜長離顏
酌酒酌江水東流幾日還

澗江吟寄懷黃子壽

清清澗江水送我不辭遠我行歸無期江流去不返平生江湖人見水心飛揚吸彼冰玉姿浣我霜雪腸有時發險怪似為壯行色所恨筆力窮記一屢喪百憶昔道虎溪遇君秋風中君時不得意流寓如飛蓬謂我後面難留我坐三日三日能有幾此意良苦絕何圖君歸來握手心顏開今我又遠出豈君意料哉人生如此水各自東西至會合縱無時臭味常不易以我念君心知君亦如之各有千秋事甯為兒女悲遠遊徒苦辛著述真豪邁

君方當本

朝名賢行狀

他年沂江歸相逢下風拜

癸丑辰州除夕書懷

痛飲戰風雪頽然意散亂行行到家鄉春色盈里開入門復上堂桃符新爛熳兒女牽衣裳老親喜呼喚命坐羅酒漿華燭光燦煥母言久客歸風味當歷慣無為更遠遊百年母將半再拜却長跪兒實負罪譴覺來尚孤舟夜深虎溪岸

我年甫十齡自許萬人將侯封唾手得略在三十上今年已廿五百無事可狀豪氣未能除狂言屢遭謗朝來攬明鏡那有食肉相徒然高位置多見不知量

吾鄉好風俗歲晚頗閒暇勤動無了時為歡盡今夜微物交相遺擊意那有價貧家薄嗜欲一飽已樂賀豈知時勢艱用兵三年過糜餉幾千萬不聞逆氛挫田廬盡蕩廢富庶亦寒餓哀哉

江湖民何日得耕作戰機方自滋未易數年罷吾儕將始終豈
違事安坐

度有隙地買菊二百本乘雨種之率賦

秋色不待招蕭然滿庭牖微雨忽飛來造化落吾手夜闌更秉
燭對之澹彌厚陶公嗟云亡素心共誰某

月夜獨行梅下

今宵月影為誰白竟夜寒花空自開怪底春風不相識獨憐茅
舍却先來沈吟那不開懷抱索笑還須共酒杯羨爾芳時甘淡

泊幾生修到得追陪

成山獨坐有懷子尹

廢藥句有誤否

閉門無所適兀坐轉蕭然一夜梅花發孤村明月圓好山當戶
滿愁思迫冬懸那得鄭夫子論詩慰酒前

夏秋丞丈過草堂出示先君絕命詞十六字拓本裝冊兼為跋

尾徵題賦此申謝

先公石交半零落草堂過說都蕭索洗眼驚看白髮翁一夜春

風到寒窗款款來平生多事言執只殷勤曾廢藥示我一冊手所
深意白日烈烈飛秋霜忠肅

言此道今未有古人中求還

得否自從觀難走江湖局踏天高與地厚閭闔重關虎豹蹲覆
盆不照吾難叩傷心那忍憶當時淚落中腸祇自悲還翁此冊

江湖民何日得耕作戰機方自滋未易數年罷吾儕將始終豈
違事安坐

度有隙地買菊二百本乘雨種之率賦

秋色不待招蕭然滿庭牖微雨忽飛來造化落吾手夜闌更秉
燭對之澹彌厚陶公嗟云亡素心共誰某

月夜獨行梅下

今宵月影為誰白竟夜寒花空自開怪底春風不相識獨憐茅
舍却先來沈吟那不開懷抱索笑還須共酒杯羨爾芳時甘淡
泊幾生修到得追陪

成山獨坐有懷子尹

閉門無所適兀坐轉蕭然一夜梅花發孤村明月圓好山當戶
滿愁思迫冬懸那得鄭夫子論詩慰酒前

夏秋丞丈過草堂出示先君絕命詞十六字拓本裝冊兼為跋

尾徵題賦此申謝

先公石交半零落草堂過訊都蕭索洗眼驚看白髮翁一夜春
風到寒壑款著平生多舊言執貞殷勤曾廢藥示我一冊手所
裝自書細字連篇章聊將往事寫深意白日烈烈飛秋霜忠肅
之書晦翁跋文山遺墨晞髮臧人言此道今未有古人中求還
得否自從覲難走江湖局踏天高與地厚閭闔重關虎豹蹲覆
盆不照吾難叩傷心那忍憶當時淚落中腸祇自悲還翁此冊

感珍襲桃李無言猿鶴泣
奉和夏秋丞丈見贈四律
豈料竟如此徒令喚奈何
流亡親屬盡死難故人多
孤憤心空抱艱虞骨耐磨
酒闌撫長劍白日去蹉跎
不復四方志生涯著死灰
端愁難歲過失喜又春來
雪意濃無敵農人去未回
可能賣刀劍從此免汗萊
楚哭何曾斷天高不肯聞
亡羊猶及補害馬總成羣
慘淡胡床踞逍遙河上軍
那堪夜來杙雨雪正紛紛
佼佼夏夫子襟懷無世情
舉家餘薄宦遲暮尚浮名
歎逝詩篇遠憂時老淚傾
陽春聊爾和非為不平鳴

題夏秋丞丈詩冊

我觀文與詩本自同一竅
蕪穢力廓清幽渺心孤造
要當自意得不肯時人好
覆瓿雖未知長盟或可料
邇來妄庸子攜撫恣闕闢
篇章動盈寸中無一句妙
才力豈不異龐雜罕識要
可惜好紙墨終會秦火燎
夏侯丈人行垂老犯邊徼
每歎窮入骨數以詩砭療
傾篋倒出示謂頗可語
告孔門言語科固已升堂
奧楚中盛才藪吾服螺洲老
謂吾師監利王先生波瀾固莫二
神妙還獨到此豈關吟哦
無乃在節操願翁求其故
從今至期耄增壽上學書
此示之昔我兄早亡祖命
汝為後呵斥不肯施寶痛
汝父母邇來遭家

難惟我與汝守何以承先德五世皆忠厚
汝今年十一漸見如我長如何是讀書了不關心腸怒來不汝
怒咎後增吾傷家聲恐終墮默默中等量
東鄉好鄭子乃是經巢兒號子尹一經巢傳家有本源遠延為汝師往
者勿復道努力從今時灑掃及應對一一職當為宴安身之醜
詞 學業荒以嬉我為湖厥由病正坐妄欺恐汝終宴行申言著此
讀書莫為貧為貧先自困讀書莫求貴求貴終自賤春華與秋
實何者為長算但得汝成人此外非所願
襟言十四首

蝮鳩笑大鵬二虫故何知荆棘殫廣莫九萬將安施豹隱變無
象龍螫伸何時雉以文竄囿雞緣尾見犧物情尚如此人事徒
爾為疾雷震百里恩威故難測假使日虛轟人將玩而易柔乃奸之
門需者事之賊斯言勿謂小可以喻邦國
鞭羊鞭其後治馬治其害製錦學操刀無乃多覆敗駑駘遇王
良亦與騏驎例自來馭英雄吾以漢高最
良工構廣廈必自搜崖阿繩墨苟不中樹植空復多世人但貴
耳幾曾張網羅不見南山松雲氣鬱嵯峨
兵家在爭機本自無成算成算亦豈無貴謀而賤戰譬如治亂

繩網舉目不奈隆中對云何一不可覆按
漢世重太守多以武功章試問弄潢池罪豈盡斯氓但能勤撫
字頑獷皆忠良善哉保障言竟得生趙襄蘇空野多世入財貴
權美竭錙銖膏血浚枯槁猶然仰屋歎朝夕不自保我欲罪厚
地胡為愛其寶地言豈愛寶生財別有道
富貴他人合貧賤親戚離我每誦此語撫膺長嗟咨奈何勢利
中乃使廉恥移友朋猶尚爾而况君臣為
我昔抱采薪痿屨如縛束陰陽紛爭逐精髓日銷剝十睡九難
穩一動百拘搦安得秦越人開通去其毒元氣還復來性命庶
可贖

蝨蟻蠹木心含沙射人影外彊了不疑孰知中已病雖有太阿
劍隱蔽何由騁小人為國家無乃與此等憂患起蕭牆非聖誰
能屏
百丈辱泥塗方寸高岑樓豈繫才不才時至難自由方寸爾勿
喜百丈爾勿憂向夕罡風起飄零何處求難進而易退此心常
休休
桂枝叢小山梅花抱空谷任爾媚春華無言自幽獨蕭然冰霜
姿想見陶潛躅雖不中棟梁畢竟非拳曲
向長知損益嫁娶究當了伯鸞非孟光塵枉恐難矯乃知獨行
成終須福命好古來稱高隱豈必樂林草

賣藥誠鄙事乃有韓伯休豈獨逃名計亦是為食謀我生筋力
脆不能荷耒耨浮沈汙泥中業此庶無尤
借夏秋丞丈鄭子尹莫芷升黃子壽遊扶風山並邀同作
先生不出無奈春到處好花誰主賓先生有興不可絆無數山
禽過呼喚扶風之樓樓上頭此間豈許成獨遊勅奴治饌兒市
酒召友却出東門走盤紆犖确徑轉高眼前突兀撐空霄山浮
欲斷不斷碧水露一點兩點白輕烟漠漠林養暉細草茸茸香
入衣紛然地坐略少長雜沓詆諧互下上是時意氣不可當起
舞直欲凌風翔回樽落日重開宴醉攬千峯慰貧賤萬事如今
不可期百年能得閒幾時干戈格鬥况未已吾儕勢將與終始

光陰敲石人搏沙此後知有誰在耶上馬去去勿更道還家各
把詩債討

搏沙搏字誤搏

十年苦奔走一事終無成近來迫時勢觸熱更遠征不辭辱泥
涂但慮賊縱橫支持累荆妻慙愧須眉生髮藏其中此語如
阿圻好兒子頭角殊婉孌謂翁喜遠行扶病強我轉揮去不復
言此景猶在眼草木亦有情我懷何由遣
瘦髯六十翁王夢湘丈別號瘦髯蕭然須與眉策杖頭橋來送我
城之西執手屬努力無用念家為感翁意殷勤氣咽不成辭因
之念先人泣下如連絲

機聲鐙影圖為章子和吉士作

大定章吉士永康側室子也生周歲而母謝夫人歿繼母謀
夫人時寡居撫如己子每篝燈夜績坐吉士紡車旁課讀如

是十餘年迨子和成進士滯京師未歸而謀夫人歿子和追
慕無已時命工圖其事而屬祭紀焉

莊姜稱仲氏溫惠淑其身勗哉先君思頡頏相依憐厯觀古來

婦舍是奚能賢章氏有慈母古慈母有二稱君命所使教子者

皆妾也至劉向列女傳書慈母者繼秉心一旦專作止有士模

母也人以母慈稱之云爾此依劉氏宗黨無間言飲食復教誨蓋已十餘年蘭桂方秀拔冰霜遽凋

顏有如操舟人心瘁力亦殫同舟幸共濟而已漂沒焉士夫既

不易閨閫良獨難請依劉向頌再拜著茲篇

蓼莪歌鮮民螺羸歎明發同是追慕心未讀氣先咽小人亦有

母待養故多缺一事况無成廿年去飄忽緬想黃泉下痛我更

當切我生今已矣於子竊有說在昔周嵩顛韻槩亦自別不如
阿母言識闇竟摧折子今家小康魏科復早掇閉門却讀書曩
哲當度越塵世浩波瀾曷為自羈埒當年事艱難披圖宛可識
願子慎勿忘大孝在名節
大霧山行幾迷失道慨然作此
我行墮霧中咫尺失依據雖常有天幸履險肆夷步境過神屢
驚念至心猶懼逝言終縮手謂可得自度人事不相饒苦來驅
之去飛花逐轉蓬飄零向何處有如操中流風濤勢奔怒覆壓
不可期蕩搖安得住國家尚憂虞微賤固吾素
曉度雪山雲氣滿衣袂俯視層巒疊嶂如出沒波濤中竒觀也

乃不知興之所至而作是詩

雞鳴曉色催行客騎馬衝寒踏危石樹藏崖洞生遠青溪轉山
腰露微白憑虛倏忽來長風雲氣蜿蜒飛蛟龍仙人玉女競奔
湊飄然坐我天之中下窺塵世直稊米波濤頃洞滅復起笑談
却掃衆峯出蒼翠欲滴淨於洗人生窮達豈有常滄海桑田固
如此妾心便欲今弃捐崖棲谷飲終天年黃金可成藥可得會
須拍手蓬萊巔不然攜將片雲去霖雨崇朝滿天地

自永甯放船

夜來南山雨江水添數尺買舟及清曉乘風坐閒適湍回沙眷
分峯轉天容窄叢篁媚遙村密樹繡前壁猿飲澗深幽鳥飛烟

幕廳窈窕百里間瀟灑萬形積勝境不我吝高情每自惜紛吾
本單緒隨處多窮阨頗難幽憤遣聊藉清芬滌寇盜何時平嗟
予正行役

下江門峽

晴空無纖雲何來霹靂鬥陰火煮地脉沸聲震崖竇四山莽迴
互衆水競奔湊我船如游龍蜿蜒石罅走斗落一丈餘同人頓
顏瘦俯眺魂既驚仰觀心愈瞽陰壑羣木攢倒壁蒼藤構荒涼
虎伺人閃倏鷹窺我昔過五溪此險不一觀當時未暇記瞥
過竟莫又比復迫塵網差不喪所守天心憫終窮筆力與馳驟
浩歌出峽門聊答江神右

瀘州懷古

介處川腰脊由來號鏡瀘峰多控蠻楚水潤帶巴渝邦寄那堪
屬了翁時在無側聞道路語邊堠頗憂虞
將至成都先寄沈吟樵兄弟

自我不相見於今遽十年遽魂同念在面目定依然時事那堪
想浮生祇自憐到來且歡笑莫為話從前

題沈吟樵所藏蕭尺木畫冊

蒼松翠柏十丈映飛泉絡石橫道隅雜花幽艷環名姝樓閣窈
窕中藏書異香浥浥生衣裾仙女冉冉來蓬壺人間此景無處
無欲買雲溪一曲湖滿船載月攜妻孥清談當酒不用沽那問

蓴鱸肥與癯蒼狗白雲變須臾靈山有夢空糶糊恨不生綃三
丈餘淋漓寫我胸中居竭來酒後披此圖解衣大笑心為舒不
見關山策馬徒正是鄂老來成都干戈滿地腥羶汗胡為窟身
荆棘區何不戢景成山廬臥遊四壁可娛

題黃子壽山居讀書圖圖為君尊人作

往年伏闕君上書意氣頗欲宏遠模拂衣忽復賦歸去豈為秋
風蓴菜鱸家無立錐擔石儲賣文課兒就屋居自謂經綸了無
分沈冥便合稱潛夫誰知人事不由筭領上白雲幾千變破輿
日走荒山中楚老夫村氓言笑晏君侍尊人周歷四鄉料理團練知機却喜無
流戀脫身且向連雲棧阿翁苦辛為染豪何啻移文到阿澗華陽

逢我乞題詩覽盡悲來淚如霰我廬成山山下村溪光搖蕩花

柳春田歌社酒自為樂讀書論詩未是貧竭來失計苦奔走甚

被衣食銷吾真更聞賊馬巴鄉躍草木皆兵風唳鶴得報都白

鄉又戒家書不達日夜思何處打包插行脚幾時卜築君倦飛

走書告我謂我歸婦挽鹿車兒拾麥與君同作浮家客酒闌更

寫雙隱圖著个鄂老來提壺

丙辰七月十七日自蜀之秦黃子壽宣少甫周子容同集沈松

樵吟樵寓齋四方多故後會何時途中無聊各為一詩以寄

情見乎詞

賓雁方南翔元鳥又北遷中途每相失聚首當何年憶昔辭京

國表馬同聯翩我遲鶴樓月君行虎谿烟尋復理歸棹握手扶
風前親交滿中座含意殊未宣見子躡履來爽氣凌高天何圖
事變非不如宿昔言君既衣食驅我亦憂患纏炎風五六月先
後遊西川兩情都蹭蹬子身何流連王粲倦登樓祖生先著鞭
行歌渭水旁待子華嶽巔仰觀造化心俯視時世賢望古有悽
惻內懼空沈瀾因風寄努力歲暮盟無寒

右寄黃子壽

十年不相聚暫聚又復散早知要有別不如終不見以此歎浮
生那得長如願沈侯好兄弟表裡洞無間開厨勸我餐掃室假
我館我忘久留滯君愈益繼繼憶昔我仲氏身後君了辦此來

何蕭條觸處增悽惋君知我念至輒以他語亂兒女復解人相
依靡昏旦感此結中腸始覺離家遠側聞相嶺西曠土非難選
頗據山水佳而無兵戈患為我試誅茅蒿萊好除拚行當賦歸
來與子偕隱遯

右寄沈松樵兄弟

每歎國事壞多由士氣少迺見宣子庸中殊佼佼為政故多術
而但領其要疎濶畧細碎畫一源無擾乃知西施妍不若衆女
巧時於沈君坐揖我謂我好傾箱出書畫殷勤慰潦倒男兒重
意氣一語千金寶况當冷落時相期風雲表惟念今乖離何以
申懷抱得意苦遭辱多言祇生惱試問伊古來此際幾人保善

持金石堅毋為紛華撓感激輒貢愚聊盡交親道

右寄宣少甫刺史

相逢風塵中如與松柏對為言家詩書承恩復深最當茲世艱

難何忍身隱晦儒衣揖健兒連年刀劍會嚴霜氣轉和盛暑容

無懈謂此雖武人忠孝出其內君侍尊人直菴先生勾當團練部勒之餘開示大義雖其家米

鹽凌雜無不備悉代籌衣冠相對當暑不懈歷數年世俗那得

知徒見嗷迂怪時時邀我飲剪燭澆壘塊謂我非今人千秋當

自逮嗟予久濩落何意辱傾佩此情足可珍後面應難再秋風

起飄搖旅懷紛破碎別君更首途去去向誰輩古語云非難

右寄周子容

夜游桂湖有懷草堂兼寄子壽吟樵少甫成都

桂花百十株環枕清流缺獨往歡有餘未至意先逸到門已昏

黃循徑多幽折樓閣隱微茫竹樹攢邃密時聞聲蕭條不辨路

凹凸明月城東來湖波浩然濶幽光沁肝肺爽氣入毛髮此時

覺沈冥衆籟俱寂滅恍出天地外永與道流接始悟身是浮了

知心本潔自昨別草堂風景供誰悅干戈尚未休念至每自截

却來於此間世事故難必噫我二三子塵網各羈埒何年得桃

源相約棄簪紱

新都城上夜望

月色上林際烟光生遠波愁心不可極永夜當如何好友別離

盡家書沈滯多去鄉今更遠回首幾蹉跎
度鹿頭山

厭作成都客星言更北征艱危從此始肝胆向誰傾山斷趨涪
水林開見雒城升沈吾已喻不必問君平

落鳳坡弔龐士元墓

士元遭先主之明與武侯共濟可謂千載一時乃始屈耒陽
終困雒水中道賈志佐命無功豈非命耶况夫雅道凌遲中
材之士抑於勢位何由自見哉

南州冠冕士共說是龐公早譽邀司馬知心得臥龍如何才不
展徒歿無功倘值凌遲際應難羽翼豐

長卿山感懷

我亦山中客飢驅奔敝廬功名隨泛梗身世感枯魚尚有凌雲

氣曾無封禪書相如

振誤

梁園賓客皆奇俊一樣嘗

自劍州至廣元經昭化途中苦旱作

我欲歲時記而詩行路難村飢人語少葉脫鳥聲乾張詠未臨
郡易于還去官無人勤遠略誰復撫凋殘

途遇便足作家書竟題八十字寄內

母養近多缺居閒况是貧深慙遠奔走坐覺喪天真意緒紛難

盡家書沈滯多去鄉今更遠回首幾蹉跎
度鹿頭山

厭作成都客星言更北征艱危從此始肝胆向誰傾山斷趨涪
水林開見雒城升沈吾已喻不必問君平

落鳳坡弔龐士元墓

士元遭先主之明與武侯共濟可謂千載一時乃始屈耒陽
終困雒水中道賈志佐命無功豈非命耶况夫雅道凌遲中
材之士抑於勢位何由自見哉

南州冠冕士共說是龐公早譽邀司馬知心得臥龍如何才不
展徒歿無功倘值凌遲際應難羽翼豐

長卿山感懷

我亦山中客飢驅弃敝廬功名隨泛梗身世感枯魚尚有凌雲
氣曾無封禪書諸侯今幾許應否念相如

酒肆琴臺無限情幾回振觸到平生梁園賓客皆奇俊一樣嘗

郎有馬卿

自劍州至廣元經昭化途中苦旱作

我欲歲時記而詩行路難村飢人語少葉脆鳥聲乾張詠未臨

郡易于還去官無人勤遠略誰復撫凋殘

途遇便足作家書竟題八十字寄內

母養近多缺居閒况是貧深慙遠奔走坐覺喪天真意緒紛難

長卿山感懷

理平安語重陳幸將書數紙為慰白頭人
尋常猶苦別况乃亂離時處世嗟吾拙全家累汝持天高向誰
問途遠欲何之好自加餐飯相逢應有期

籌筆驛題壁

萬山昂頭如列戟中有葛君籌筆驛我生亦是好男兒恨不同
時受驅策秋風蕭蕭水鳴咽雲中慘澹來靈魄想見風流羽扇
揮百二秦關入胸臆方今神州坐陸沈獨使聖躬勞日昃隱憂
未艾蕭牆內他人鼾睡臥榻側安得再起我公歸威孤復弦狼
走匿皇恩浩蕩下宙合天子萬年世千億嗚呼天子萬年世千
億我獨窮餓死亦直

甯羗早發

微雨夜來過四山秋色高埜黃翻穰稷雲白湧波濤繞郭分流
急穿山架屋窄可憐官道柳迎送為人勞

行經寬川驛

驛據金牛峽下峽即瞿冢土人稱為漢源漾水所從出也

西風獵獵下關門策蹇重來訪漢源一帶垂楊初過雨幾家臨

水不成村憑高莫遣生秋思來使休從問故園

近年鎮遠苗叛道不通滇黔驛

路改由川陝是日最是旅魂招未得鷓鴣聲裏更啼猿

阻雨黃沙即事

丞相昔休士曾說在黃沙落日劍門遠秋風秦嶺斜艱難虞轉
運今古正同嗟那更川原上蕭蕭起暮笳

草舍兩三間坐來心自閒門迎沔陽水戶繞漢中山晚近衣冠
賤荒寒日用艱猶聞聚年少白晝竟探丸
雨過登褒城縣城樓

風送雨冥冥蕭然過縣庭霞光鍊天赤山色染城青地小歲多
熟關閒門不扃頗聞諸父老猶道使君清

雨中望紫柏山山麓有祠祀留侯

漠漠山中寺搖搖雲外鐘白飛雙瀑布青削萬芙蓉大藥人誰
采山有七十二洞多產靈藥赤松今未逢試詢辟穀者前路定何從

水夫詞

渡頭水夫瘦且墨日日渡頭渡行客為言本是耕田夫官拘來

此當差役自從來此不二年眼見騎從如流泉皆言盜賊走踰
嶺烽火不斷驚南天朝廷命官但遙領虛名那可療飢寒大家
改捐去滇蜀縱死猶得妻孥歡楚人不解何等語好官真是多
得錢又聞新例開踴躍前者煩冤後來樂丈夫何必論出身有
錢便得高官作君今囊底有錢無稱貸豈獨非良圖有子慎莫
教讀書讀書苦被孔子孟愚祇知致命報天子那識一家哭路隅
我告水夫爾休矣納粟拜爵古如此毀家紓難能有幾卜式誠
賢胡可鄙

自寶雞至岐山

多難仍為客秋深復遠行艱危都歷盡險阻自今平驛馬嫻耕

地陝東西大路州縣驛馬都不足數凡文報往來及酬應村墉上官差使一切皆強取民間供給往往倒斃人甚苦之

敵縣城劇憐好風日便欲寄浮生

老鴉行

城門小吏初開鑰老鴉出城啄人粟城門小吏初閉鑰老鴉入城據人屋出城入城任爾行小吏見慣都不驚南山墟墓了無主銜尾鼓翅何其武鳳凰不來鷹隼稀哀此下民誰敢侮九月十四夜夢侍先君愀然不樂以炯之求官甚非願也覺

而謹志

露下天氣清中庭月正白浩然起遐思微風忽生腋送我歸故山萬里如一息入門拜二人顏色多悽惻長跪問何由兒愚不

察識親言兒無罪兒起侍我側此間甚逍遙了無時事逼惟念當艱虞兒身復孤特富貴亦何常貧賤多所得兒仕我心憂兒歸我心釋交情古如斯奔走終曷益與其求向人孰若自食力吾言止於此兒行自愛惜依頭再拜頃倏已在床席哀哉父母心至死無終極

長安客舍送黃子壽隨宦太原且北上

蹤蹟年來頗自竒如何旋合又旋離也知聚散都無定此後悲歡不敢思落日秦關途正遠西風汾水雁初飛茫茫那是千秋事慚愧楊朱路已歧

知君豪氣未除盡此去封章定幾篇諸道豈無劉晏使中流應

著祖生鞭言開廣路多聽細
詔下求才有歲年更說繁華逾
往日莫將流涕對皇天

黔山如雪羽書飛驚絕都勻又失機時勢即看何日定天涯多
是未能歸極知借隱終同盡深悔茲來計却非更有翰君斷腸
事亂離阿母定誰依

成都纔過又長安懷抱幾時若為寬題徧江山詩得好走窮天
地我無端烟收灞上瀟瀟雨秋老終南淅淅寒想到前途定回
首故應說著遠遊難

借子壽集王蓮生寓飲即席口占會銀足後野食珍亦不憂
鄉書竟不到烽火定愈紛對酒強成達故交翻似新劇憐生晚

李同是不如人早晚尋歸計山林任我真

史村有國士橋因豫讓名車中無聊得三十字
生不智果諫死乏聶政勇國士待若人自應無遺種不見田橫
客千載令人竦

宿錢石

單車出太原所親惟僮僕自笑邇年來有似車中軸道途磨我
心兒女擊我樸此豈關天窮曰予實惇獨

朝覺太行近暮覺太行遠太行自如故朝暮人為轉時目戰紛
華所見何其淺所以松柏心不為霜雪更

烙餅倚馬通啖之亦果腹火匠滿塵土一睡居然熟南北縱殊

嗜飽煖終同欲但令常安居得此吾已足
題微水店壁
朝發固關道暮投微水宿暝色隨車來蒼然會空曲鐸聲聽依
微碓響時斷續少焉月東上流景滿平陸星暉亂寒流烟光凍
叢木蕭條畢眾喧蒼莽起萬族乃知山水情入夜始真確即此
悟前修終當謝拘束

過中山

杯羹乃失國為君誠不易我亦死士流誰更壺漿賜

村舍園林路幾條平沙漠漠馬蕭蕭名娼俠少都何處明月清

風方順橋

偕朱眉君遊寶藏碧雲萬壽諸寺未至宿扇子湖有作
我來京師近百日醉夢昏昏去飄忽西山招我踏山行遙指春
雲晴一抹平明策馬衝泥沙扇子湖邊尋酒家輕烟澹澹草初
長曲徑陰陰桃未花興來更向西隄上宮館玲瓏何蕭爽塵昏
每滯鑿輿行天清偷得楚人賞長風蕭條下高樓短詞香露來
扁舟溝聲活活隨田下荷鋪牽牛人在楚風光如此不當詩天
公應笑吾子癡急歸買酒莫辭醉清興一失難可追
偕眉君遊寶藏寺
山光引幽興邈然不可刪接袂追兩蹇紫紆薄雲端清泉灑石
根修竹當門前桃李繡削壁松柏飛驚湍小坐獲古趣深不飽

新歡再上得平臺了知天地寬蕩漾昆明波迢遙萬壽山宮館
何玲瓏羅列象萬千落日市聲上渺著江湖邊平生澹泊心永
結清淨緣近以親愛深而為憂患牽即此是奇福何必多暇閒
珍重莫輕擲明年知何年莫惜酒香與一夫巖下野
借眉君夜坐碧照亭不待語聲入耳空望風來吹此不當惜天
松搖雲外鐘泉灑石間雨暝色何從來蒼然墮庭廡澄思入
空虛光澈肺腑此時素心人相對澹無語前紅難向蕭爽壑
望香山社平即東馬齊天也
天方祚大清四海一家等尚恐宵旰勞為關遊豫境碧瓦翼參
差朱闌駕虛迥隨山勢起伏浮上青松頂和風既沖融春日復

遲永國家正多暇鶴鹿皆望幸廓哉聖人心臨御一切屏雖無
水旱憂時慮烽烟警孰若秦祖龍丹砂遠祈請亦豈周穆滿車
馬肆馳騁赫赫我宣宗恭儉千秋景
宿萬壽寺贈石和尚
一室自枯坐今年將十年已除言語劫猶作主賓緣杏子燒茶
熟松聲入定圓無生如可學從此試參禪
山中夜話步眉君韻

話到深宵際無端愁又生蒼涼對杯酒感激為雞聲鐘動寒初
散山迴氣不平因君有歸思益覺意縱橫
自保定至正定道中即事

春風念遊子相送不辭遠感此惜景光到處輒留款踈懷絕雲
飛信步踏沙輦道旁渠聲活原上麥苗短人家柳陰深鳥啼桑
葉淺林開望若連山迴補其斷安知中無人盡室來隱遜不敢
懷故鄉故鄉兵滿眼

旅夜漫興

去年見月清水江胡床指揮受賊降今年見月中山道酒肆殷
勤被花惱男兒快意須及早人事不如月常好救時心盡能幾
人勸君且向花中老不然傭作酒家保我聞此語心骨涼悔不
當時愛景光

明月店坐月悽然傷懷率爾題壁

桃花有風香十里桃花無風十里香明月月明明有好郎不愛
儂儂愛郎

月夜不寐

滅燭不肯睡惜此清光寒那知道路苦惟念平生歡齒草馬如
語驚枝鳥未安我行胡至此兀坐起長歎

藥城謁前令尹唐公祠

公名盛吐音似此他山右人宰縣時適賊至臨洛關節相跳

賊尾之過藥城城壞人少又無援公度不可守先期遣家人

下令百姓徙避未半而城破賊旋以受給怒戍公時甲寅九

月三日也賊去後八日百姓歸睹公面如生大痛獲鹿趙州

城人亦相率來弔哭具衣冠斂更率錢建祠典史陳君書役
某某人皆隨殉者從祀焉余道藥城聞之父老云
先生我同姓家世居山右捧檄來藥城民望若父母甲寅八月
秋臨洛關不守官軍星散歸賊騎席卷後城壞勢復單食盡力
何有冠帶坐堂皇從容諭賊酋若無傷我民我乃為若守賊謂
公實降悉遣老幼走公度民去遠謾罵不絕口賊怒前戕公懸
頭繫兩肘其時尚炎燠越日又以九公面竟如生公身毫未朽
哭弔來他州棺斂無不厚更約建公祠過者酌以酒從祀及陳
君吏胥復某某我來下馬拜一一聞老叟公死幾三年說公淚
成綵嗟彼百寮長齷齪蒙穢垢而公七品官浩落驚牛斗以彼

易公生公萬死不受世間誰百年如公真老壽何人野獲編斯
言當有取

暮宿趙州橋時腰纏窘急醉賦此篇

平川曠野虛無人千樹萬樹榆柳春跨轅貪看沙場好眯目未
覺風塵昏苦茶三椀不解渴乾餅一斤強下脣祇嫌熱臥土匠
暖且喜濯足燒湯溫解衣買酒醉倒極大笑何事關吾身清時
意氣未許論處囊脫穎休重陳

過沙河作

單車投逆旅落日下高原地苦歲偏旱城荒縣似村更堪經過
處猶見賊燒痕聞道方圍練心驚不敢論

馬上見太白光芒射人時日才過午也率賦

浮雲不蔽日太白爾何明
聖主方修政天心應厭兵
平沙纏殺氣孤角動危城
寄語征南將功名及早成

逆旅壁間見內弟姚七同年和人詩喜識數語於後并系以長句却寄

昔年同向此間住自爾分飛不遑處
今來見汝壁上詩知汝適從此西去
丈夫行事須要奇局促
轅下胡能為高堂白髮深聞少莫忘
江湖避地時
過盧生祠

細雨斜風不動塵眼前孤負幾多春
浮生又墮葫蘆樣重作邯鄲枕上人

鄲枕上人

夢得家書盡作雲字覺而感焉

一昨書來勸我歸為言春色滿庭幃
出山本自無情緒莫更人

間到處飛

內邱道中即事

落日澹澹披和風雜花疎林間青紅
倉庚引雛鳴其中短垣矮屋交聯通
門前溝水流琤琮兒子歡呼隨老翁
舉首望天今年

豐安知世上多兵戎客胡為者如飛蓬

孟津渡河至靈寶道中紀行

斷風淒雨北邙道新墳舊墳多於草
安知生時非英雄苦被兒

女縈懷抱世事於今已可知不如泉下樂無悲豐碑大闕徒爾
爾後世何用知我為
雨餘驛路紛成河林木絕少石頭多陡上山巔下山底僕夫沉
瘁余挫磨磁澗喘息猶未止單車又向錢門駛黃昏馬旋泥淖
中呼呼呵呵鞭聲死
新安縣城據山腹道旁碑署古函谷如聞燐語怨章邯猶識車
聲走張祿大行孟門豈不艱賊騎飛渡無留前可知設險非重
關我欲封之一泥丸
一昨取道陞井關攀崖緣壁愁飛鳶今來驅車峻函道飡風宿
水同飢猿輪蹄磨骨骨作柴風沙塞鼻鼻出火一年強半道途

中太息胡為獨窮我

潼關客舍是去冬與子壽宿處觸懷却寄

單車又復過西秦旅館蕭條不見君驛樹曉開函谷雨關門中
斷太行雲已慚薄宦風塵裏那得全生麋鹿羣為問別來無恙
否知應教授在河汾

客有自貴陽來者言二月初川滇兵勇格鬥城中多所殺傷越
日令下百姓橫被誅戮唐子聞而悲焉

城南火光燭天黑鎗礮砰訇聽不得馬蹄橫向屋中驅人頭亂
上街前擲轅門東西閉不開節使噤聲縣官匿嗟爾跳盪無留
前胡不奮臂去殺賊朝廷何負於爾曹忍能干紀肆攻擊兵勇

兵勇烏足云法令墮壞真可惜
貴陽百姓好丈夫連年防守復捐輸已驚蛇豕滿山澤又見豺
虎橫街衢財物不恨恣攻奪婦女何罪遭強汙餘生如此不可
得駢首更向殺場趨不死盜賊不死兵嗚呼此死真函胡
道出咸陽令尹江君開龍門留飲出示小像即席為題一律
飢驅薄宦走天涯邂逅逢君禮有加垂老尚遲二千石論心不
是縱橫家晴窗掩卷朝廷客小閣焚香午放衙便更相從詢治
譜莫令書札滯三巴

馬嵬坡楊妃墓

唐書載馬嵬之難帝與妃引訣縊路祠下以紫茵瘞道側帝

自蜀還道過其所欲改葬恐人反側自疑密遣中使具棺槨
他葬其地無可考是冢於乾隆四十三年元和顧君聲雷知
興平縣事中丞畢公檄脩諸陵墓以次及之反所侵地十七
畝構堂三楹東西箱六楹繚以垣墉又於冢西隙地構亭子
景唐以後詩刻之壁間并作記中丞為題碑冢上以表焉
墓門寂寂對斜暉鶯粟花開燕子飛空說金鈿天上語可曾環
珮月中歸英雄一例都消歇詞客千年有是非多少世間好兒
女更無人與表芳徽

入北棧

石穴五百里何年人鑿開狂崖爭礙日渴澗誤奔雷民雜多強

悍村荒半草萊撫臨真不易誰薦出羣材
鳳縣道中

一徑入深箐千峰送落暉此時忽不樂久客獨無歸好信真難
得謀生半已非懸知北山檄早晚到林扉非多也世間改
贈逆旅主人陳翁今年八十曾以守備從征川楚教匪
勅斷家人事逍遙麋鹿羣披林時聽鳥踏石偶攜雲長劍壁空
倚好花盆自曛每言衰病客無以報明君

度紫柏山

清晨發松林遙望紫柏聳削壁方前馳斷岸屹迴擁豪宕氣未
舒荒怪中填總雪積明寒陰雲亂委低空曲磴緣霄征危橋駕

波涌瞑目斂旁視定息來餘恐朝陽忽一見紫綠紛萬種聞多
樓道流更復廣竅孔我欲舉家從相將采藥籠

坐紫柏山半亭子

子房不可見來訪赤松家曲徑披雲入危橋傍水斜雨餘長蔬
筍亭午落松花忽憶成山路勞歌惜歲華

自武關至馬道

飛鳥去何速曉猿啼更哀竟無安穩想徒作散樗材風送前峰

雨雲推隔澗雷馬鞍纔跨得

山勢斗上斗下如馬鞍者二十四
極嶮崎土人有二十四馬鞍語云

錢索又橫來

將至馬道有錢
索橋亦險甚

度七盤嶺

萬山奔谷口脫若馬騰鶩戈戟交縱橫旌旆紛翔翥上摩蒼穹
低下撼狂流怒未午景先昏當暑雪猶沍怪鳥饑攫人修蘿大
成樹平生眼未經喜愕時無數前登蛇伏行後騁蟻緣附遙矚
若途窮側轉又崖互孰晚徐前移援手懾他顧石火敲亂蹄汗
雨揮寸步天晴尚爾艱泥滑可知苦側聞朝貴人騰章籌借箸
括買漢南米輓輸京師路吁嗟七盤嶺從今斂眾惡

寓有小園竹木蔚蔚頗類草堂偶夜半納涼悵然有作
浮雲行太空明月翳復吐微蟬抱孤響眾葉靜按伍澄觀避湫
隘散髮坐庭廡慮澹氣不囂身閒暑無侮成山有敞廬胡為寄
斯土宦遊作桃源自笑終何補

丁巳成都自閏五月雨至於秋七月
月不三日晴由來多漏天溝渠復壅遏塘堰皆平填宣防廢職
司平地生波瀾蕭寥晝絕晦硯旬雷怒奔城郭廣傾圮室廬罕
堅完洞房產蛙黽曲突斷炊烟禾麻亦爛死林木皆彫殘東新
等官桂升米足陌錢富家尚愁思窮民殊可憐太息望東南干
戈動連年國家計恢復蜀其本根焉歲豐猶未濟况乃灾眚偏
習俗喜浮動閭里尚探丸曷不垂崖公鎮撫圖萬全
雨發邛州向百丈驛
促裝涉南河攬轡驅廣川溼氣冒遠峰酸風激流泉禾麻浩被
墊竹樹蔚連阡衝泥怯長坂當暑衣重棉前登雞公坊引領老

鴉關陽關在貴州有田不能歸辛苦誰為牽宵中耿無寐起吟杖杜

篇

飛鸞嶺嶺於漢時在旄牛徼外由邛崃九折坂迤西行百八十里始達嶺

左水右水橫奔流前山後山劃明晦插脚直當沫若間建瓴正

控藏康隘時平無用屯戍兵地荒頗納通逃輩我來剛是雨初

晴海氣紛綸作奇繪山頂有海子咫尺九天若可梯縱橫萬里通無

礙平生漫喜邊塞吟一笑都成道途債叱馭王尊徒爾矜何曾

夢上飛鸞背

打箭爐秋感

涼月上城頭蕭蕭關塞秋如何浪奔走復此劇淹留痛飲時看

劍中宵獨倚樓等閒數株柳不繫故園愁時寓一小樓倚山面江後有柳數株百餘

年物也

倚徙山亭上殊方日又曛沙虫遙射影貝錦忽成文老兔何多

窟蒼鷹總不羣平生亡命者辛苦更從軍

百載恭純後魚通宣慰司宣慰之先聖祖賜以恭純扁額如何蠻大長不覩

漢威儀自激變至今改易蠻裝已三年矣蟻漏堤緣漬蟲淫木不楮由來家國

事一例竟如斯

露下芳搖落天高氣泐寥江聲湧官閣山鬼穴蠻譙落日嘶征

騎危峰看射鵰有懷班定遠不見霍票姚

常時不見斗條忽便來風圍打箭爐山頂有海七十二過午秋即風次日日出始止日以為常

老山仍綠霜多花更紅飄零還作客憔悴欲成翁余始至即病

乃少瘳蓋美爾雙飛翼無應哭路窮

聖祖綏懷日高宗權伐年祗緣馭蒙古聊復奉班禪朝貢來方

物郵程計萬千何因銜使命一旦遽騷然

漠漠霜華重沈沈日色微海風吹地裂雲勢挾山飛慷慨多成

笑遷延坐失機緊誰專聞外胡馬正輕肥

見說昆明國凌夷不可聞和戎空有策督師時諭蜀竟無文梵

吹簷深谷每日落或風雨之夕番僧輒數人持文餘號筒

入暮雲猶勝隱朝市豺虎却為羣

端居事清淨散步禮空王慘澹骷髏窟番僧死者不葬不火跌

藏
誤

佛陰森虎豹易雜取虎豹皮中石碣撐突兀居人無漢夷嘛呢

層閣倚巒岫蒼松翠柳間地荒夷俗苦獄少吏書閒官况恰如

菊詩情多在山南飛有烏鵲吾亦倦知還

忽憶舊事輕烟低遠水涼月澹疎林忽憶草堂夢愁為邊塞吟每慙高隱

士空有濟時心早晚山中信歸來報向禽

十月七日發打箭爐

沫若以西南天地之奧宅萬壑爭亂流千峰競橫塞雪風無時

老山仍綠霜多花更紅飄零還作客憔悴欲成翁余始至即病

乃少瘳蓋美爾雙飛翼無應哭路窮

聖祖綏懷日高宗權伐年祗緣馭蒙古聊復奉班禪朝貢來方

物郵程計萬千何因銜使命一旦遽騷然

漠漠霜華重沈沈日色微海風吹地裂雲勢挾山飛慷慨多成

笑遷延坐失機緊誰專聞外胡馬正輕肥

見說昆明國凌夷不可聞和戎空有策督師時和諭蜀竟無文梵

吹簷深谷每日落或風雨之夕番僧輒數人持文餘號筒雜吹或吹人骨和之聲動崖谷慘慄不可聞蠻歌

入暮雲猶勝隱朝市豺虎却為羣

端居事清淨散步禮空王慘澹骷髏窟番僧死者不葬不火跌

樂
賦

佛陰森虎豹場雜取虎豹皮中石碣撐突兀居人無漢夷嘛呢

轉飛揚以帛書番經製如旗式編窮子迷塵劫酪酥且試嘗過

入寺番僧輒以酪酥進

層閣倚巒岼蒼松翠柳間地荒夷俗苦獄少吏書間官况恰如

菊詩情多在山南飛有烏鵲吾亦倦知還

忽憶

輕烟低遠水涼月澹疎林忽憶草堂夢愁為邊塞吟每慙高隱

士空有濟時心早晚山中信歸來報向禽

十月七日發打箭爐

沫若以西南天地之奧宅萬壑爭亂流千峰競橫塞雪風無時

無晴日那能得斗米不易求充腸但預麥羊羔肉正肥酪酥色
劇白蔬菜幸多有足以供飽喫更喜刺史賢俸粟時分謂宣少甫
刺中原尚鬥爭蠻荒且安適

齊民馭番僧此計少帖妥郡縣治藏康所得益么麼及今早彌
縫已覺事機左沉無曲突謀坐大燎原火刺史氣慨慷奉檄按
邊鎖方略細圖上論將粗到我力薄負邱山震悚無一可世事
多角張浮生尤軼軻倘能終暇閒獲幸吾已果

驅馬出荒城倭遲赴長谷連山互蔽虧微徑緣空曲草木交晦
明雲峰屢單復蒼茫沙滿眼慘慄風過肉稍前得幽境亦頗慰
行目歷歷浮遠林蕭蕭翳疎竹陳雪露崖青寒波咽石綠何年

得攜家於焉遂卜築不必慕康莊康莊世多熟

曉登大相嶺

即九折坂得睹雲海喜而有作

橫塞黎雅間盤作西南障終古無冬春行旅何慘愴而我叱馭
過驕陽特一放高下爭貢奇遐邇無匿狀驚颺驅亂雲陸海忽
溟漲吾聞浙江潮奇壯不可量安得枚乘筆寫此與之抗

大霧夜行邛崃道

了不辨晝昏那復知道路而况冰載涂兼之雨如注荆蔓倒刺
芒石稜側刀鋸燐燄冷邱墳柝聲咽塘鋪箐深虎豹啼谿惡蛟
龍怒左右輒須扶前後每難顧縱心氣猶王回首神先仆此行
胡為來大都實自誤險艱敢云避鞅掌將誰訴慚愧鄉老情火

把照徐步

十月十五夜宿臨邛酒家樓
忽漫囂塵遠而多竹樹幽夜深涼到枕夢穩月登樓鄉信都難
好邊塵苦未籌當壚誰賣笑那識長卿愁
過邛州新津道上作

年歲亦未饑生計亦頗遂如何鼠子輩白晝敢橫肆怒刀擬向
人楊樞騁連騎行者為吞聲居人但垂淚長跪告長官長官了
不異鞭朴且加遺爾輩胡我累無冬春於於於於於於於於於於
恒陰

欲雨不雨雪不雪寒風蕭條竟一月狐鬼跳踉豺虎號竄取人

家作窟穴人家無歡但有愁仰面呼天天不察何時盼得陰靈
開忍死更向朝陽熱

歲暮書懷

滿階黃葉月如霜起聽鐘樓漏正長暫溷下寮權當隱無多輕
睡不成鄉點金至竟緣何術拔宅從今定少方聞道草堂梅正
發試尋杯酌浣清狂

病骨稜稜強自持朝來雙鬢陡成絲模糊苦溯還家夢奇險新
裁入蜀詩作吏未諳輸老輩讀書多忘愧兒時西南五月鄉音
絕腸斷于今不敢思
獨自草堂寺尋梅有懷鄭子尹是日即得子尹書并浣溪吟一

章率成長句奉答且招之

一冬天無十日晴好睡不耐官衙行草堂梅花忽相約喚起杜

老同斟酌杜老於今喚不醒眼中之人誰可青却憶前年成山

下梅花正開秀而整老柴適自棄官歸過我把酒對花寫竭來

作宦錦江濱索居每恨當囂塵豈無梅花伴詩興却少老柴題

畫神子尹昔過草堂論詩作畫夜分不休其為人尺書忽附雙

魚至更寄詩篇如我意持詩却笑語梅花老柴定為汝招致他

鄉表弟雖苦貧來詩有所賴他鄉惟表弟句典衣尚足供千醉

涪陵道中紀行

平生喜山居入山苦不早偶茲從事賢得攬林泉好春風千里

來一例付行稿

嬾雲閣半崖寒流咽空谷隔浦幾人家蕭蕭蔽松竹一徑生石

陰蒼然滿身綠

斜瀑和雲飛怪石作人立空山四無鄰何處可安集蜀魄不解

人獨向枝上泣

自頃烟禁厲種土不種田烟人為土咸謂道是鴛粟花獲利當萬千

可惜好米穀今甯值一錢

莽莽牛皮箐直上五十里雪餘大古青燒留半空紫過人不敢

言恐觸怪風起

林開積雨收鳥啼堊花落無人覺來往澹然有餘樂便欲留茅

菴從容伴雲壑
上人青冥冥俯臨黑無極緣延路一絲荆茅半充塞向夕不逢
人時有虎來迹
常聞山谷翁謫居於此土遺墨荒江濱蛟龍不敢侮寥落七百
年無人來步武
黃草峽
黃草峽邊杜宇飛石家沱畔行人稀風絲雨片莫惡劇儂正望
郎郎要歸

江上謠
江氣作雲還復雨雲自上天雨墮水一樹兩花開早遲根本同

生不同死世間好惡那有常眼前通塞烏能恃勸君莫放手中
厄大家都有順風時
試院分校示鍾君崇軒
平生事戎馬性命今再續憂患苦相尋復此干微祿翦翎送樊
籠何日歸喬木製錦學操刀覆壓可期卜况茲文字緣久矣神
不熟兩手生棘荆雙瞳眩紅綠謬從分校後舉止徒澀縮
坐窗兀不遨有若兒在襁飽喫步長廊新月漸西上微風動疎
砌遠近虫聲長疑是苦吟人激昂但自賞富貴果何物得失殊
亦儻奔走天下人紛來墮泱莽豈無大智慧超然斷塵鞅回頭
矮屋中十年一夢想

此邦古名區揚馬皆其產遙遙文翁教規模况宏遠東南懲艾
深天心亦將嬾所賴匡救材大力與旋轉安知彼多士中無一
二選光芒大如箕我看君巨眼

八月十六夜月呈李少輪使者

連朝風雨不放晴人間豈有不平鳴打窗蕭條合有意洗我新

詩秋月明明至竟何處好令人却憶黔陽道短衣快馬踏月

出長嘯深林共絕倒

往歲家居十五夜與黃子壽乘月馳馬出城登相寶山

路人握手竊

耳語此氣豈甘共牛阜而今回首空茫然故山剩有猿鶴憐明

月得無更大笑此是當時好少年舉杯邀月呼謫仙先生袖中

詩幾篇清景一失難再得明月有時不更圓我今尚喜腰脚頑

可能從我裁眉巔醉倒自有支頭磚

索程曉松所藏文待詔枯木圖

鄂生先生可憐人三十落拓猶風塵杜門不出動經月除却書

畫無與鄰平生那畏永甯禍豪奪巧偷時亦頗厚訾鈞取豈復

能典衣忍饑無不可走尋秦州白髮翁時出俊語開心胸晴窗

更展古圖畫紛綸過眼雲烟空就中待詔寫枯木滿堂寒色生

嚴冬歸來妙意獨追想此景彷彿成山上連年烽火苦驚人三

徑就荒付誰賞先生久悟道家言寸田尺宅元之元勢齊彭殤

一生死肯為微物多牽纏只今霜雪變髮齒猶仗馬筆千軍裏

鹽車終遇伯樂鳴慷慨救時安用此祇合貽我夢硯齋臥遊日

日開愁懷呼兒更為市杯酌君但能來時亦來
買妾言

買妾買妾千黃金買身易得難買心妾身那得如花好花未謝
時人已老今年開是去年花去年人在阿誰家東流之水西落
日君有糟糠不同室

猛虎行

蒼天白日塵雜還狐作人言兔人立滿城慄慄腥風生猛虎掉
尾街頭行爪牙如鋒目如炬胡不當關外侮禦耽耽夜半窺吾
獫會見周處伏路遮

登凌雲蘇長公讀書樓

長公送張嘉州詩頗願生為漢嘉守載酒時作凌雲遊子由
詩巉巉九峰頂可愛不可任都及少年讀書事邦人士特

以寄其愛慕云耳

未酬漢嘉守先為凌雲遊仰視白日晚俯瞰蒼江流大化簸糠
粃今古幾蟬蛸時時一大笑巖洞紛冥搜不知公當時頗有此
慨否

奉檄至富順公幹歲除尚稽自流井

為吏非所堪未能遽縮手瞑目就樊籠窮冬更奔走奔走亦何
求差免人追負八年盡今夕旨蓄百無有艱難費支持所苦閨
中友兒子更何知解念勞人否

四顧無所適暫寄鄧子居

秋湖刺史時奉檄自流井設局徵收濟楚鹽餘釐

鄧子氣伉

爽今人多不如身處脂膏地不能自潤腴常恐清白心永為腥

臙汙牀頭一壺酒架上百本書

秋湖藏書甚富

酌酒勸我讀我愚君更

愚

狂寇稽天誅於今八年整比復聞島夷通商叩關請赫赫李中

丞勲名無與等下民竟何辜又奪我藩屏

時聞李迪菴中丞殉難三河 日夕

望東南怒馬心如哽出門見春色從今會蘇醒

昨夜夢先壟歲除吾已歸如何寄他縣斷蓬隨風飛鄉書近久

絕又復來人稀松菊想猶存城郭知是非更念我母弟亂來當

依誰感此結中腸背人涕自揮

平生所嬌女化去今七月瘞之青羊宮親書志其穴夜來似羣
衣喚爺聲恍惚天寒雨雪深念爺身孤子傷哉官蜀來二年去
飄忽百無補饑寒骨肉乃中缺
我友黃子壽不仕居河汾著書得侍親福命吾難倫別來二年
餘息耗久不聞每懷晉祠約引領太行雲慙余浪奔走終歲祗
跋跋大仇且未雪此外復何云

乘月山行

月出當天大地白山影沈沈水深碧竹枝交錯松聲寒中有幽
人往來迹黃紬被底春情多等閒都向夢中過紛吾要屬雞聲
管莫怨羽毛未豐滿

南溪縣齋漫興

昔讀春陵行不敢學為吏自遭家多難益復甘廢棄課兒補讀
書呼朋賭買醉所求豈或奢天靳不余畀攜家官三巴暫爾避
魑魅苟全性命耳豈有澄清志昨來宰斯邑朝夕嘗惴惴下恐
民心離上畏家聲墜獄訟雖云稀瘡痍未能治况茲鈴束多那
得行吾意歸思如東流不待秋風至

聞警

天下半騷動蜀中猶晏然私竊計恢復本根在是焉奈何自翦
伐委棄無一全狐鼠蔽朝市蛇龍藏山淵亂機豈今日蓋已二
十年汨汨大江水誰更澄其源

己未九月十日聞警十二日登陴十月二十八日奉調出境勦

賊感士民挽留意詩以慰之

此邦息干戈二百餘年久警報忽紛來民心亂成絡城郭既不
完器械一無有遠近絕聲援儲積罄升斗况復一葦航午發至
不西我豈不顧身所忝為父母誓將同患難決不舉家走呼民
授以兵登陴共死守辛勤卅六日風雨不吾否更念我清貧時
餽米薪酒愧我無奇才為汝縛賊酋仰面問蒼天何時安枕又
從軍行

平生非利器亦復遇盤錯赤手張空拳晝夜驚風鶴幸蒙盜賊
憐敢語縱橫略莫笑當路人連雞燕巢幕

柔弱西涼簿強起當旗鼓指揮踞胡牀談笑却強虜自來大功
成多半出儒腐我無縛雞力性命聊一賭外營風鏘幸蒙益顯
樊絳功狗耳功人在發縱如何大合圍却自留罅縫一朝狐兔
奔徒然引飛鞚余於正月二十五日馳赴富順永安場連戰皆捷乘勝進營燕山半笠山逼賊壘扼西
南路時占軍門扼大塘山在兩井東南虎鎮扼鹽井溝在西南
兵最弱為賊所輕而正西一路龍潭場為窟兩廠路正東一路
耀光扼龍潭場徐守梅璋扼雙石舖傳署鎮琨扼白口尅期
并力合攻大府始檄副將張萬祿以兵五百助虎鎮而傳琨徐
璋遷延不進明耀光又為占軍門調赴大塘山僅撥屢敗兵勇
鹽井駐龍潭場余屢請合攻軍門不應十月十六夜賊果分走
遁先期無謂國無人吾謀實不用

督師自逍遙莫作清人賦精兵滿二千亦足當一路何應賊未

來乘夜先引去竊聞道塗言委曲中含怒廉使水陸眾二千駐

小舟跳兵勇皆潰赴嘉定賊遂於二十日路兩廠

十室家九空雞犬聲斷絕灰燼餘荆榛谿流禱骨血仰見天日

陰慘淡照旌節下馬憩路旁浩歌腸內熱

古人貴間諜今人貴夢卜捷為令某略不設備夢卜復不奇神

鬼都能役童子亦何知傷哉為賊肉誰實使之然堂堂我邦牧

嘉定蘇溪有童子六人自言能役神鬼太守迎而禮之使攻賊殲焉

井廠財賦區軍儲所從出棄置略弗顧乃競錐刀末小人為國

家不欲長久活豈獨兩川憂荆楚行困屈兩湖東下之師多賴濟楚鹽釐余年前即

條請防範兩廠當事略不措意

杼柚一以空田地一以蕪鞭撻且莫施行將鬻妻孥豈不愛妻

孥但願羣盜除夜半會轅門酒肉聲糶糊各路軍餉計月需財

賦無出當道鑿於筠高慶三縣前事一時州縣報招募者數萬

不賦無出當道鑿於筠高慶三縣前事一時州縣報招募者數萬

國家屬多事賴師武臣力奈何建節旄翻然遠避匿此輩豎子

耳其肉豈足食可惜法令弛使我軍容墨二月二十六日占軍

方在捷為聞報約傳琨分走輝山并紅豆坡直搗李逆允和老

巢別請郭軍門由河岷坎進藍逆朝鼎必回援軍門圍自解省

門青眉不待再防上所謂攻其必救也乃余已至紅豆坡而傳

藍逆既不得逞三月六日潛走河岷坎泗渡虎溪擊却繞赴

丹稜以致青神失守進陷彭山轉陷蒲江名山直趨雅州方賊

在雅州屢為知雅安縣何君擊敗而占傳兩軍尚徘徊卍蒲間

久之以收復名山

見賊縮如鼠逢人怒如虎湊趣得間亡蜀俗以隨時刀刺殺

勇為睥睨藐官府羣盜幸即平此輩猶難處召募愈徵兵斯言

慎擇取蜀俗以隨時刀刺殺

蜀山高不極蜀江水嗚咽男兒誓報恩臨危敢苟活主將不令

前骨肉徒久潤回首望秦川肝腸兩斷絕賊甚憚甘肅馬隊郭

開月未嘗出城一步標下兵

駐馬凌雲山策杖凌雲樓遠攬大戡雪近障三江流水岷江皆

會山惜哉名勝地日暮豺虎遊借問佛云何佛三合流處有石

下唐開元間僧海通造以治水能無衆生憂

行經青衣堤

竹壓低低屋雲歸淡淡山春深花事盡鳥語柘陰閒風物憑誰
領流亡苦未還猶聞誅欽急父老淚空潸
永川令沈鳳臺耀章哀辭

我初與君未識面奉檄道出彭水縣縣人說君更念君冰雪聰

明金百鍊彭俗勇於私門又多豪肆行兼并鄉里側目君以少尉奉檄往權縣事甫一月奸猾屏跡吏胥若行冰

上後來遇君成都城弱不勝衣目如電議論直是翻江河意氣

豈終長貧賤謂我可人不我棄從此神親非貌眷今年我認領

孤軍上書舉君同搏戰稟白紛紛氣轉閒檄書叢檄瞬即辦拂

衣忽復返渝州將為妻孥謀一飯四方多難要需才子今安得

投閒散果然攝篆之永川老巖當道東方捍何期貝錦忽成文

詎料焦桐甘置爨書來慷慨意彌厲起拊凋殘當賊萬君以二月來余

營營幫辦五月余奉曾公檄駐嘉定助郭軍門防守君乞假歸渝

川東王觀察以君才檄權永川是時民力凋敝倉穀庫欸又為

前令乾沒無遺而賊首張國富率黨萬餘逼境守具都無人承

心搖搖悉移屯寨堡城市幾空余走書勸君不受代君不可承

業竊利果卿亡賀蘭竟絕睢陽援張國富七月月初逼永川以君

大足安岳樂至遂甯有眾數萬九月回逼永川君率村團禦之

於境多斬獲賊怒遂直前圍縣城君隨方抗禦殺賊益眾城圍
益急君所指血書募死士哭圍赴渝乞師時總兵傅珉屯兵白
市驛得書不救而觀察先所遣將領六百人助城守行距城十
五里不即進方縱掠遇賊遊騎潰歸器械火藥委棄於道賊資
以作地雷轟城城陷賊得君於城樓支割馬時十月十二日也
庚申十月十二日矢盡糧空以身殉我時臥病在南溪正得君
書喜君健消息忽來疑未真却坐回思更驚惋天乎不佑若人

死又弱一个蜀其爛鬼雄應更擊凶渠不似當官苦羈絆蕭孃
呂姥徧量圍如君始作男兒算青衣江上凌雲樓猶記別時屢
回盼哭君質辭君應知魂魄歸來重飲餞
留別南溪士民

我年十二時經史皆上口世俗不挂眼耆舊驚未有偶然逐時
輩科第得唾手高歌黃金臺沈醉燕市酒可憐八尺軀寥落萬
人後崎嶇江湖間傷心死又九歸來獨閉門自斷此生朽時事
不相饒逼向岷峨又徵逐強笑言俯仰默紛糾何圖來此邦寒
暑鎮相守夙夜豈無尤諒我不我咎

此邦好風氣獄訟經年少熟知而公嬾相戒毋煩攬以茲萃和

祥晴雨輒應禱喜氣遍烏雀歡顏動父老謂我十年來遠近無
此飽撫字既不勞催科愈未曉方期歲滿去自署下下考不圖
烽燧驚橫塞五尺道刻石授以兵死生共相保倉卒幸瓦全吁
嗟賴蒼昊

守官不適時我慕元道州敢薄時世賢恐貽子孫憂到官廿二
月百廢無一修近廼被符檄迫將經費籌流亡苦未復何以當
誅求屢陳危苦詞長吏不見收徑欲棄簪紱舉家何所投依違
不早去默默中含羞

江心有隙地蒨蔚翳竹樹規為讀書堂可容千萬柱俯觀江水
流仰視山容嫵春秋萃清淑朝夕灌肺腑閉門學十年會見風

氣古貢之於國家奔走而禦侮異端勢方張人道絕如縷永承
聖賢心努力相撐柱苟慕紛華覲顏逐庸豎此願竟不償
勿瓜代去所望後來人將予未了補

昔我在軍中婦孺都齋祝願佛祐生還更保功成速今我被量
移父老輒歎哭謂非借使君從此睡不熟嗟我何德能得此於
爾族拊心每自思汗出不敢縮官吏難恃依盜賊方飄倏幸善
自為謀鄰里多親睦殺機雖正滋善氣了可贖明朝挂征帆何
日來信宿回首六同城肝腸轉轆轤
入保
封豕長蛇特披猖蒼黃入保收散亡熟知彈丸捍全局不殊小

雪投沸湯一卒畢力百不當萬夫致死可橫行男兒甯作張睢

陽被髮喋血訴上蒼

襍述

巴西形勝地水陸乃四應門戶外阻深膏腴中包孕自昔定庸

部此州必先徇付託須得人從容來坐鎮曰余寡才略虛被投

艱任部曲既已單僅千人出納又多客自去八月至今未領一

况復議紛然處分不予信事機一再失旁郡皆蹂躪方賊圍潼

請占軍門由建甯驛進黎副將由葫蘆溪進以便余引軍渡河

東潛攻賊後不則龍安將遭蹂躪微獨綿州也當道殊不為意

賊遂乘間分擾德陽羅江安縣綿州藍朝柱沿河東陷魏城於三

月江油彰明於四月六日與營逆洪發綿於四境皆賊矣吁

嗟鞬上鷹健翻何由奮

年來浪得名造物頗擯斥累此邦人士遂爾遭艱厄十室九蕩

廢坐見千里赤妻兒已離居况乃多疾疫白骨委道旁纍纍邱

山積四月以來小兒以豆疹殤者日以百數五月嗟我忝所司

萬死不足惜下民竟何辜胡亦生路窄稽首告穹蒼早生百夫

特此後必矣

河上徒道遥棘門真兒戲怯懦與跋扈同一養賊輩糜餉不足

言蹙國豈可耐所以師上交特垂勿用戒士卒何強弱轉移自

有在必若救瘡痍先應擇將帥我竊不揆量特起成一隊支撐

重圍中七十日已逮愧未縛精渠一為慰凋瘵

塔山當南樓賊礮如雨落門闔皆洞穿觀者為駭愕我方隱几

臥談論頗自若輒復會健兒列坐飲且博更呼父老前靜聽而

公約死生自有命成敗難冥索毋令賊笑人未戰神先卻吾誰

與同歸文偉不可作

嗸嗸鴻雁飛悲鳴集於野哀哀我婦孺流離况孤寡兼之自拔

歸苦被賊脇裹總計夫家數四千五百夥區分內外城安置稍

帖妥乾粥不充腸半飽亦略可余於三月二十二日登陴即總

貧民共四千五百口部令各廟棲宿人日給米半升復於五門

設立粥廠蚤暮散給其投誠來者則處之城外人三日給米二

升以是城中夜來天同雲雨到南山下土脈潤如酥有犁不得

把荆棘蔓連阡村墟靡片瓦生意差滿前善後策無那安得術

活人聊使我心寫

平生骯髒軀不受衆目憐行年過三十已甘長棄捐忽復遇曾

公總督曾公拔之稠廣前我覺少戇直公愈益周旋日在機牙

中危疑可勝言賴公勤護持故得常安全自公落職歸余亦罷

兵權頃來典斯州盜賊又紛然思維忝職守有負師友賢乃蒙

聖人恩未歲恒三遷時蒙去年此日尚以知縣從戎也涓埃苦莫

報夙夜徒憂慚

六月十五夜南樓坐月

可奈今宵月無端見又圓沉杯愁獨醒滅燭照無眠未得消兵

氣徒令媿俸錢惟將不惜死持以報皇天

喜聞駱帥前部黃太守瀋熙定遠大捷

傳來吉語起羣屨太守躬親甲冑擐分道并攻期即拔齋糧棄

釜示無還盤龍爭說能衝陣飛燕何緣敢拒關破竹摧枯急乘

勝看封京觀到巴山

邇來

地道衝車勢莫當連營樹柵意難量邇來益覺驕橫甚直把綿

州作晉陽賊斷下流築堤障水聲言灌城

登樓

賊氣驕橫甚投鞭直斷流游魂誰令騁鬬骨可無憂陳賞方傾

藏余移檄諸路能解何人為雪仇時聞占軍媿非劉越石清嘯

獨登樓

欲作王羆家嬰城甲自環村團爭執棍婦女助當關好待援師
至應教聚族轅男兒甯受賞早晚拂衣還

自賊圍綿周城外室廬盡燬有犬百餘無所依余日飼以飯遂
往來巡綽每風雨夕或日方升大霧四塞守者皆倦賊騎往
往潛渡河來撲犬輒羣起迎吠城中鎗炮隨聲擊發賊輒死
傷遁去歌以美之

烏嘴亦尋常黃耳奚足數我養百健兒跳盪不如汝蒙氣塞中
天或乃夜風雨賊騎乘之來而汝羣號怒所向礮聲隨首魂屢
銷阻以茲百日多守者得安堵我祇一飯耳報恩迺如許橫山

屯連營

橫山距城三十里
官軍屯者幾萬人

旌旗特颯舉嗟哉一主將忍令被囚

虜天胡遣若輩覘然作人語軍法久壞弛遂使逃礎斧太息為

此歌以厲臣事主

涪城感秋

巴西形勝控庸疆不道今為百戰場絕少奇兵爭斷饜頻聞奔

命誤多方連營環柵徒遙護陷陣先登誰試嘗太息朝廷何負

汝忍教鼠子肆跳梁

雨驟風飄又急湍磨牙弄吻逼無端量沙漫說千夫膳臥鼓空

嗟百夜寒豈料賀蘭全坐視誰憐傳變特艱難於今時事看愈

棘可奈威輕法更寬

四郊豺虎已成羣，屬縣摧殘日又聞。但覺地中鳴鼓角，幾曾天
上下將軍。村圍喜道能知義，降卒爭傳共策勳。一舉聚殲機正
好，如何謀議尚紛紛。
枕戈嘗膽忽驚秋，未翦鯨鯢壯士羞。不斷飛鴻和月叫，無邊落
木寫人愁。迷魂虛樹強伸幟，清嘯頻登焦度樓。羨爾一雙沙際
鳥，等閒來往百無憂。
風聲鶴唳盡王師，凶狡如今是死期。皇甫已傳推下曲，公孫行
見奮澠池。西來準擬長繩繫，南去何當折筆答。為報諸君齊努
力，功名須早及清時。

魂敢抗誅乘勝便，將迎刃解聚殲應。比順風呼捷書早奏，天
顏喜濡筆當為破陣圖。

七月十四夜月

萬戶無聲月自明，高樓虛敞嬾涼生。封侯一覺夢初成，滿壺酌
酒還細傾。雞鳴日出天宇清，會見兵氣銷縱橫。

十五夜月

厭數譙樓長短更，於今四見月華明。沙寒遠浦生烟色，風落高
梧誤雨聲。鼓角每為詩作氣，江山都到夜來清。銜枚蓐食誰摩
壘，大可奇功一炬成。

江干

杜老風流跡已塵江干尋遍又斜曛怪來衆木紛紛舉不見海
棕高入雲紅一秋
江上雨連楚角
江上炎雲撥不開望江樓上首頻迴秋風不會愁邏騎一例重
圍不得來

三月念四日被圍八月十四日解嚴念三日被劾

苦將心力盡明時盤錯朝歌任不疑蔽野旌旗朝按劍滿樓風
月夜裁詩早知性戇遭讒易祗恨功成縮手遲為語家人應歡
笑秋風黃菊是歸期

宿寶光寺禪院

言尋紫霞山暫憩寶光院鳥語生綠陰悠然令人善稽首兩足
尊我生實多譴誓回心地初從今不貪戀
逍遙步寺門顧瞻即周道使者并徵兵來往何草草豈不念室
家念之轉懊惱浮生幸得閒莫負林泉好

我昔遊西山邂逅石和尚勸我降我心猛力去塵障不因慕聲
華何自速罪謗師語今孑然居常休鞅鞅去
夜來竹聲寒打窗誤風雨偃卧斗室中孤燈照無語澹然見天
和所得良已愈始悟二年來馳驅徒自苦且
烹葵剝竹笋亦足慰朝飢壞衲穿兩履凜冽寒風吹因之榮辱
心破滅了無遺榮辱且不有而况論是非

甘瓜而苦蒂物故無全美春榮及秋落由來乃恒理禍福本無
門惟人自召耳所以佛之徒養心如止水既寒風如因之若
陳息凡刺史趙州書來欲招致勝帥大營且以詩慰走筆奉答
使君豪氣趙州陳垂念西來有故人為寄好音憐鐵羽欲將濡
沫慰窮鱗澄清早覺勞牽尾榮辱從今等去塵還是鄉中水甘
美更休依戀誤垂綸
野老
野老東城菊作田田中茅屋兩三間時攜稚子臨流水更把枯
筇看遠山如此生涯真是福動予歸思不能閒故鄉知否書堂
在且共明年春雁還

病中漫興

夜來聞秋聲忽忽生遠想自不安賤貧怪來墮羈鞅治兵已三
年吁嗟空鞅掌未覩斯民康徒聞寇盜長迹垂後視今心違事
成曩翹首孤飛鴻冥冥九天上
寒燈照無寐微篆起烟縷取酒自酌斟萬感出肺腑平生轆轤
索紫繞徒自苦北斗與南箕虛名了不補修鱗窟方塘短袖困
巧舞休矣毋多言吾髮稀可數
駑馬不致遠羸牛難負重戢翼秋江頭豈是念前痛祇恐受恩
深無復還家夢家鄉頻苦兵官吏更喧關摧剝盡錙銖雞犬無
留種追維平生言不待桓伊弄

焦山酣睡圖為眉君作
東南垂十年盜賊幸逃縱舉目風景殊河山有餘痛何處更容
君酣睡得清供古之傷心人乃有此奇慟塵世浩波瀾如我百
無用李廣雖數竒王陵誠少戇有田不能歸杜門時自訟竭來
觀此圖遯思如雲從側聞我眉巔頗具秦人洞逝將舉家從與
子倘同夢
聽純菴吹簫眉君約同作兼和純菴

乞食封侯等一塵生還此日倍相親百年未半垂垂老萬感於
今事事真我自偷閒強作達君能著述未全貧詩成送與朱夫
子莫放深杯暗愴神

移居子龍塘呈汪純菴朱眉君顧幼耕范雲吉黃子壽

屏居古佛菴頽然數椽屋出入常打頭閉塞不容目短牆臨衝
衢浩浩市聲熟家人困喧呶兒子廢誦讀野夫性疎散長苦睡
不足成山有敝廬歸期渺難卜聊尋一區寄遠勝八州督
浮生如傳舍既過念不留世人苦奔逐轉啟無窮憂胡為蠻觸
氏爭競不少休而我麋鹿姿偶然冠沐猴緣盡而輒逝行止隨
所投浮沈信朝市俯仰成春秋會須無何鄉何必三徑謀
有客告我言新居非吉宅居者恒死亡主人行困厄我聞語未
終却坐三太息彭聃與殤齊高明來鬼隙古來稱帝王到今空
載籍不聞邦家危土木任其責微命鋒鏑餘何勞鬼神惜

餘亦復遇摧撼天心未終窮俗物敢爾玷我欲乞仙人令虎守
耽耽但恐百年後終被樵蘇犯紛紛洗更新世事多于染一樽
聊酌爾毋用生百感

子壽植叢竹於戶外枝柯蕭散饒有遠致中兩梅花淵然靜好
即子壽可知矣余用東坡竹外一枝斜更好句為韻以致贊
歎云

廣平賦梅花子猷愛脩竹會心別有寄嗜好不嫌獨我時來哦
詩世味了然縮豈伊斗筭人所志唯食肉

閱人故多矣食肉例灾怪何如窮著書堂上白髮在况有兩兒

郎謂老艾文度膝上愛異時風雨會卓立雲霄外平知自醉然

五雲起安車詔書紛尺一父子命相依肯使跬步失江湖水如

天臣志何時畢 聖朝恩廣大不奪節士必

節士每挺特了無駢旁枝保此冰玉姿與世為推移正不莊老

退山水興方滋安能慕紛華信狂風離披

狂風何從來日方中未斜襟沓引魑魅耽耽窺吾家瘦狗抵其

隙投骨輕相牙君其善自處昏黑多含沙

為我語含沙禍首不可更易不觀此華榮落皆所命霜霰浩紛

拏惟以不戰勝攜酒來酌斟心與天空淨

天空無纖雲朝日出杲杲春風蕩漾之一例起枯槁賤子幸遭

際行年及未老終焉葆歲寒難為外人好

種花

長年身不安無人繆公側豈伊忘國艱奮飛無兩翼丈夫生末
流要貴行胸臆閉門學種花聊適我所得手自除棘荆朝暮勤
護惜偶生一兩芽喜不去時刻何時得好開一慰窮簷色

成山草堂稿

共集卷四

卷四

計一百五十六首以下甲子訖乙丑

被檄權守綏定獨攜兒子我圻之官

叔教昔受封境垆恒自足豈不慕膏腴常恐安醜毒醜毒猶尚
可鬼域初不覺歲旱先掘泉天晴亟補屋力盡雖無功差可免
虧辱虧辱復何常但求自反縮
漢世二千石與民未相遠誅捕不上請辟除得自簡報最止增
秩久任罕他轉精神所運量如以肉貫弗遂多武功彰匪惟清
德顯今乃獨不然鈴束蠶縛繭上下習相蒙交視猶傳館苟求

無罪耳甯暇問根本
書生賦命艱一笑得不易矧能毛羽豐慷慨行吾意高明猥見
知巖壘謬領寄因緣庾塵汚且引蘭車避單騎行到官寂寞何
所慰自從事戎馬兒學廢不治就中止圻兒讀書能強記老子
歸興濃那復澄清志乘茲好料理無使家聲墜
牛發觀音橋
欲去不忍速將行仍復留豈不念途遠愛此山木幽泉聲絡石
靜鳥語臨風柔誰惟滌塵想實足消煩憂年來困戎馬奔馳常
數州匆匆好景過夢寐都難求行矣益努力先帝恩少酬便
當投劾去勿共妻孥謀

宿黨家壩

趕場人散日初斜烟火零星數十家見說頻年多寇盜咸豐十一年春
夏間賊頗聞今歲足桑麻泥分畦隴新巢燕水滿陂塘遠聽蛙
自笑邇來能用短不辭買醉作生涯
曉發順慶愴然有感

雨止天初明好山爭遠出原田極浩蕩烟樹多蔥鬱嘉陵從北
來東下流曲折美哉稱大邦何以少雄傑在昔二千石未識教
養術納賂強塗飾市恩妄要結後來欲振興苦被遙牽掣以茲
士習崩漫成風俗裂因思操莽輩初不過中熟柔極轉成堅一
發不可截所以明王興等之於妖孽豈惟戒勿用有北投必決

我欲學埋輪憂懼非其職

入郡境道中遇雨

今朝泥沒脚昨夜雨漏屋高田雖易耕秋成難可卜農家智慮淺一飽已許腹天心憫艱難或者慰博獨牛羊苦未肥慎各安

爾牧

郡齋對雨

雲從兩角來須臾滿城雨

兩角山在城東南十餘里高峙天際每雲起輒雨城中以為占候

煩

歌蕩平原清氣屬廣戶父老色欣然一飽今可許撫茲農畝情

感念平生語

遊白馬寺

我如打包僧處處插行脚閉門苦學定私計毋乃錯河邊有精舍脩然隔城郭雖無遠眺望頗自具邱壑孤松氣不羣老桂花正著四圍綠竹林陰陰如張幕簿書幸得閒為作半日樂

邇來

邇來務清靜頗習蓋公言吏役毋我溷罷去歸田園端居惜流景高臥敞東軒蔓草不鋤理愛此生意繁暮情託孤嶺遠心生片雲胡為繫援者貝錦徒紛紛

有鳥

竹木無行次自向荒園生有鳥巢其間發聲和且平鷓鴣肆毀取羅網張縱橫胡不決絕去戀此主人情

中元夜月
涼月弄清影娟娟上人衣開窗面城郭好山來四圍夕蟲發幽
響喬林涵靜暉亦各遇所欣了無人是非

坐西聖寺亭子
為許尋秋一再過上方高處早寒多江山忽覺清如此鬢髮其
於老去何聞道漢南盛豺虎愁看薊北有干戈塞帷自媿非良
守山鬼空令賦薜蘿

郡齋秋懷
年來傷哀樂秋至輒動心豈無盈觴酒寥寥難可斟嗟予樗散
姿何獨存至今甯謂天特厚斧斤日相尋幽花積荒徑丹果耀

寒林不死會有歸且復強冠襟
長年苦貪睡况此秋夜好霜風入骨節酸痛不可了呼兒為折
枝往往徹天曉行年未四十自笑衰何早合當罷隴畝旦暮常
浩浩不須學無生久矣斷煩惱
起看兩角雲雨勢來不已頗聞父老言豆棉多爛死高田不能
收收者復生耳連年罹鋒鏑胡又奪所恃良由吏無狀不為鬼
神喜憂懼如之何中夜常數起
昨睡常不穩擁被獨起坐羣物無動機時聞寒露墮忽忽二十
年事向心頭過富貴若而人生存無一介縱不五鼎烹何若三
日餓幸懷霜雪心莫令塵土沈

晨興課圻兒左氏書數紙墉兒質魯下日讀一卦止我衰久荒
落得是多所起未知當塗人能否樂有此富貴何足算歲月不
我俟勉旃各努力成人基在始無使壯年聞寒露二十
久雨積素抱行散及清晨草木有嘉色魚鳥來親人何處著眾
妄澹然見天真寧謂人間世有此宰官身寡妻復曉事絕口不
道貧所媿屬軍興無術全斯民又去言直隸之賦民高田不道
明月解我意亭亭來孤光引領不成寐愛此秋氣涼却寄心中
人路遠莫能將矢志苟不易奚翅同我牀願言凌風飛攜手還
故鄉周道何時平勞勞瞻四方人皆謂我不可言也
太公老漁釣百里歌屢屢淮陰困少年子房遊下邳當其未遇

間堅忍辱不辭甯期際風雲後世人知之由來建功業亦各有
地時天下方多故毋為旦暮期

比得遯叟書

江右陳學受

盟手為之開寥寥亦何言具言吾道衰願

復氣少貶末為人所擠深感愛我心慨然傷中懷稟氣既不偶

植行良多乖中路忽詭甯必世與諧

荒園多可觀不治乃穢蕪願言肆翦伐如心少鬱紆遠色坐來

見好鳥鳴相呼寡妻共班荆新婦來提壺稚子復好弄兩手皆

泥污中觴仰天笑此樂絕世無

吏散郡多暇日高睡猶熟雖乏中年聲聊追淮陽躅我亦謀衣

食何者為司牧斯民自遷善甯復須鞭撲晦朔來從遊勞苦過

親屬即此多所欣曾何異空谷
一昨被符檄京儲乃不實詔下中外臣入貲各量力君父屬殷
憂臣子何辭說此身尚非有阿堵寧忍惜衆共竭錙銖曾何補
涓滴伊誰執國成幸更思長冊
螳螂欲取蟬黃雀尾其後方將謂無患虞羅已加首自救都未
遑甯能構誰某福分禍所倚吾聞老聃口早知不敝軒諒已牽
黃狗孫劉復何為徒然堅我守
菊花四五本秋葵三兩叢橘柚垂戶北芙蓉開墻東離離散朝
日落落凌晚風老子於此間賦詩學秋蟲忽想前年時舉家圍
城中談笑却強寇指揮成大功

雨夜不寐枕上作

一月天無半日晴被階苔蘚草蟲鳴芭蕉不管人愁思又向窗
前送雨聲

按行城太督防於十月二十一日發綏定

四郊正多壘夫我敢懷安手雖無斧柯心血良可殫此時仲冬
交霜風透骨寒况聞巴山中冰雪浩漫漫寡妻未彌月勸我勤
加餐慨然出門去白日方中天

賊勢如率然擊中首尾應奈何懸孤軍深入無後勁遷延既失
機孟浪復幸勝遂爾多死聲一蹶了不競哀哉漢中城豺虎何
其橫得無天使然吾謀適不聽

五月中吾條賊可滅狀謂宜分兵三路同時並舉而主者不用

獨檄相果諸軍由南通進八月初始出川境迨中丞劉公奉命督師檄諸軍且堅壁而諸將貪功浪戰廢沔洋縣之賊遂得并力以萃我八月十九日我軍敗退青石關死傷三千餘人漢中城固相繼陷沒矣

軍興十三載大抵誤多方府庫并殫竭精銳行銷亡如何領置寄日日猶議防治兵貴先人立國要自強豈可容他人鼾睡臥榻旁戮力向中原西北禍方張

苦竹溪

出郭二十里沂江緣山根翳翳竹橫道曖曖烟含村場圃屬明淨高下游雞豚老父四五輩抱兒行負暄不謂有至樂方將羨使君去去即長路得失難具論

羅江口

稍前十里餘乃得羅江口大成峙其東東鄉路由右居然一都會風俗近頗厚前年寨破壞強半為賊誘利害今熟知完保未為後山谷多阻深抄掠復無有官軍乘飢疲所向擊便走李牧在北邊匈奴不敢叩良由用此術爾曹莫予否

蒲家寺

暮宿蒲家寺去城六十里田少山地多頗賴巴東米巴東苦無鹽彼此更交市界連通達東老林特憑恃其俗勇私鬥其地多奸宄探丸斫長吏直若兒戲視自我來此邦從容亂繩理彼中爭洗心日夜如流水夫也豈不良所患不豈弟

大成砦

大成砦

兩峰拔地起上隆下旁殺聚居千人家遠見百里外詢人按圖
志云是大成若朝廷例設官分駐資保艾嘉慶元年教匪攻陷東鄉縣城二年知縣
劉清因若完守經略參贊往往駐兵馬十九年鄉閭習鬥爭出
還舊治遂移南壩場主簿於此以資彈壓云入皆刀械自頃用兵來益復移團會狡焉不逞徒又因以為利
此直地方憂殊增太守喟父老呼來前明白為告戒吾來為破
賊無用須此輩

香爐坪

卓立千由旬橫據五州縣傳聞老林中盛夏飛霜霰落葉積丈
餘堅硬不可鏟在昔嘉慶初王徐竊誘扇官軍列坪下孰視不
敢戰桓桓羅軍門其時乃鄉練應募躡壁登身輕疾於電大呼

夜斫營十萬一炬爛至今父老言英姿猶對面我讀大風歌慷
慨淚如線

瓦窰壩

連山忽中斷遠迤抱清溪中有斷板橋垂楊翼參差旁斜三兩
家短垣屋角齊小兒倒騎牛老嫗行喚雞鄰人趕場歸手中各
有攜相見語殷勤今年鹽價低我行忽觀此萬慮都若泥
自胡家場至毛壩
犯曉陟危坂嚴寒號朔風大霧忽四塞如未開鴻蒙經行四十
里天豁日正中回頭看所歷壁立千萬峰登高望沿山積雪何
年封軒然起大波破空飛白龍仙人下招手一笑千載逢

自羅紋壩至青花溪
我家天西南特據山水奧見慣都不奇守寂未知妙自頃屬軍
興馳驅兩川道往往提兵過鳥獸所罕到譬如讀舊書我但觀
其要竭來按行部荒怪乃獨造遠窮渠江源俯視劍門小霜寒
一隼疾木落孤猿叫來往亦何勞山靈得無笑
雨宿青花溪
計日當到城乃更為雨阻寂寞荒江濱終夜灘聲楚以此歎平
生所如多齟齬小住亦復佳何必非吾土

太平縣

駐馬火石梁俯看太平縣草舍可百家土垣餘半段風鶴屢驚

心瘡痍猶在眼何當據便地并力借一戰休矣無復言王者方
多算

緣秋坡梁上西鄉坪

連山西北來森若列旌旆插脚當河流取徑盤空外回頭看縣
城彈丸黑子大再上西鄉坪秦蜀畫兩界官軍頗連營鄉里復
屯寨是時風怒號雪花落如塊我馬仰天鳴角聲助慷慨念往
神屢傷撫今氣愈邁思建大將旗號召山澤輩鼓行出堰口下
拊漢南背封尸振旅還或得飽麤糲胡為畫墨守首尾自狼狽
師老財益殫兵法有明戒
出望星關宿關垧

出關二十里維時遽昏黑下臨千仞深前顧萬嶂塞寒波襟怒
吹洶湧不可測持火導徐行躡足那得息同行十餘騎先後都
迷失四更及關填風雪益慘慄蕭條罕人烟錯莫動精魄我馬
飢長嘶我僕凍無色析薪急烘衣未暇餐飯索聞道三溪口明
朝倍險窄倒頭向壁臥不敢憶所歷

木羊坪

凍霧滿天地咫尺無所覩上山復下山艱哉兩足苦薄暮抵三
溪飢寒不能語平生險慣經是役乃其著

黃鍾堡

言從漢王廟按行黃鍾堡等是天王地胡為判新老

黃鍾堡本巴州三鄉

地嘉慶間戡定教匪分太平廳三保地屬城口而割巴州三鄉
益太平降廳為縣添設巡檢分駐黃鍾堡自是官民咸有新老
太平之分而三鄉士民試問父母心幾曾問醜好牛羊受人牧
往往不承奉教令云

風俗當我造文成謫龍場朝夕伍苗獠坐令弦歌聲盡回色枯
槁勿謂老生談迂遠不足道

自竹峪關至鹽廠陝西定遠地

晨光初依微嚴裝戒僮僕緣山礙林莽沂流轉隈隩石穴何年
開神禹恐不熟居人避烽火強半據其腹鑿孔明透天飛空危
架木信宿過鹽廠曠朗豁雙目村落布星碁田疇井衍沃風俗
已成秦語言猶近蜀量宇日榛蕪戎馬紛馳逐草草念勞人何
時復邦族

響洞定遠地山左為渠水流經太平東達渠廣安至合州會嘉陵水入於岷江山右為巴水流經通江巴州至渠三灘場

渠入於

日飲巴渠水未識巴渠源竭來觀響洞下有蛟龍淵南北界秦

蜀左右流崩分始特一線微坐見千里吞萬派盡東下兩水獨

西奔大哉利導功永為眾妙門

鍊線垣關至監縣

晨登鍊線垣遠見花萼山連峰如白波激射朝光寒人言此山

高冰雪埋千年斗然肝肺涼未覺衣裳單歸當語妻子此行直

上天

觀音峽

恬

字諱明

易

兩壁峙若門千峰會成孔我行未半山雲勢足下涌低眉視眾

已驚蛇倒退那更鬼見愁自大竹河中經山名我行胡為來所在橫

戈矛側聞李京卿李雨蒼郎中雲麟奉命以會師來興州規

畫多深沈號令無滯留看解楚蜀紛惟在左右投水陸急並進

為我縛其首乘勝略關隴上紓西顧憂無為狐鼠綴李方園張第才

於山或唱量沙籌於山

八台山

響洞定遠地山左為渠水流經太平東達渠廣安至合州會嘉陵水入於岷江山右為巴水流經通江巴州至渠三灘場

渠入於

日飲巴渠水未識巴渠源竭來觀響洞下有蛟龍淵南北界秦蜀左右流崩分始特一線微坐見千里吞萬派盡東下兩水獨西奔大哉利導功永為衆妙門

鍊線埡

晨登鍊線埡遠見花萼山連峰如白波激射朝光寒人言此山高水雪埋千年斗然肝肺涼未覺衣裳單歸當語妻子此行直上天

觀音峽

兩壁峙若門千峰會成孔我行未半山雲勢足下涌低眉視衆生奔走如蟻螻不曾履艱危那復知震悚我心久已平恬然夢無恐

白沙河

已驚蛇倒退那更鬼見愁自大竹河至白我行胡為來所在橫

戈矛側聞李京卿李雨蒼郎中雲麟奉命以會師來興州規

畫多深沈號令無滯留看解楚蜀紛惟在左右投水陸急並進

為我縛其酋乘勝略關隴上紓西顧憂無為狐鼠綴李方園張第才

於山或唱量沙籌

八台山

此邦富邱壑大抵皆支派納納色孕雄巖巖氣象大名不在五
岳勢足鎮百怪豺虎方縱橫吾道正荒穢何當巢其巔永結烟

霞會

普光寺

軍門羅公思舉故里

朝發官渡灣暮宿普光寺講舍數十間鬱葱多佳氣良田二百
石好書三千笥寒士皆歡顏鄉人畧識字父老告予言軍門羅
公置世間富貴家大抵知專利父子兄弟間一介不肯遺况能
及鄉黨百年蒙厚施不謂公武人乃有此高誼太息告父老斯
舉良不易幸善承公心毋界後廢墜

中河

迴風盪寒烟蕭蕭生遠波出險理孤棹犯曉浮中河千峰來送
迎頃刻百里過天地忽開豁雲物紛旁羅興潤境彌曠賞幽情
更多明晨當到府延攬莫蹉跎

灌園

衙齋寂寞少塵喧早起披衣自灌園不惜峭寒侵瘦骨為回生
氣動陳根吹噓未覺愈瘡痍培養還應到子孫預想明年春爛
熳高吟可得倒芳尊

甲子正月元日

封篆寡塵牘例得一月暇此邦信僻陋了無書可假夫風來不
已大雪忽如瀉呼兒誦左氏伴我爐火跨取酒徐酌之聊以消

寒夜概念防邊兵，甲不敢卸安得將。李愬一鼓漢南下，
返寒日夜解陽春。亮何私所至，總披拂萌動無高卑。奈何受人
牧，不慰窮簷飢。得匪素餐多，僅乃知繭絲。朝廷比降詔，流涕
問蒼殘。州縣量為撫卹以聞恩澤不下究，何以為臣為努力。
宣德上德母，負中興時。羅施古荒服，聲教久慄慄。何圖持節使，患不見眉睫。任將罕策
畧，用吏多貪。皆遂爾十年來，豺虎徧郊邑。國家事東南，精神難
暇及。但得朱慶元鎮壓粗妥帖，有懷二人墳。日夕氣鳴吧。
侯景終見誅，葛榮行被族。至竟一盜賊，徒為世大戮。聞道東征
師，長圍久合。處外援比盡，斷內變迭相屬。不異雪沃湯，有如刃

破竹根株急，先拔枝葉不。煩撲甯意，曷體臺至今。猶待築

三五少年時，自謂日月長。何事不可成，意氣多慨慷。乃今知其
難，鬢髮禿已蒼。隱忍復不歸，中路徒徬徨。悲哉老病馬，天骨空
開張。不堪駕鹽車，詎復志敵場。誰家願終惠，敝帷歸山岡。

郡齋東偏有隙地，課奴墾治種瓜蔬之屬書此寄興

吏散閣門掩，春暖日遲遲。取誦七月篇，大好田家詩。作宦近八
年，卒歲恆苦飢。良由不食力，取給於官司。勅奴具鋤耰隙地，汝
試治

士生不艱難，飽食得毋畏。青門種瓜人，故時亦曾貴。樊遲比請
學，夫豈無所謂。僅約古有例，爾腹莫予誅。家風本儉勤，請為歌

唐魏

為政如農功我聞國僑譬朝夕而行之終始無越次非種倘盡
鋤嘉苗自蕃植詰奸爾何人慎莫斂手避朱虛十六言漢度大
文字

自從軍興來天下半荒蕪舟車竭權算閭里迫捐輸蓋不用克
國屯田實大圖悉予罷苛猛坐見清萑苻再拜賦車攻洋洋仰
聖謨

七國多怪民許行實卓犖事君苟不效退食有餘怍况復履危
機萬事難預度豈如木朽斃性命足可託哀哉飯牛歌寧戚真
大錯

喜聞子尹被 特旨發往江蘇以知縣用却寄

詩畫文章特緒餘便便腹笥等身書顯家應是推三禮解字何

曾讓二徐禮子尹治鄭許學著有儀已分清貧伴先壠余以鄉里

屢書約來蜀子尹不忍不圖垂老被 恩除東南民力凋殘甚

背先墓遠出遲迴至今

起駕蒲輪有意無 郡舍東園新葺一室微風徐來遠山如接好鳥上下時復有聲

叢篁交加略不障月俯仰其間課兒輩讀信可樂也

叔孫一日館必葺其墻屋豈不憚重勞要取適心目東園有壤

室命工趣新築因舊少開通未遑更飾綉俯仰頗安便時還課

兒讀竹色生微涼鳥語聽多淑褰帷弄清暉好山來不速嗟嗟

十年來憂患都飽熟甯知今尚存得此固已足

東齋即事

蕭閒合署野人居竹色山光共一廬載酒客常連旦暮

楊綸珊于山兩

廣文時治忘機鳥亦上階除新詩近用放翁例小草時摹顛米

書一笑呼兒供晚飯園丁恰值薦家蔬

東園築室成子壽以詩寄賀依韻奉答

眼明今日見來書為道湘江好卜居漸退已曾教計決

樂天詩猶被妻

孳教漸退莫求致仕且分司余妻以余性鷗長貧那免負心初

向平昏嫁愁難畢李廣功名願本虛正使兩翁多契濶子孫終

得一家如

蘇詩

奉和黃琴五丈生日示子作

我與公生同日月我年卅六公望七憶昔京師為公壽猶是國

家好時節不數年間遽災變地轉天旋日流血我既蹭蹬走巴

西公亦艱難盡燕北前歲辛酉之季春舉家圍城命如髮自斷

此生今已矣作書遙與公子訣

賊以三月二十一日至綿勢張甚慮或不守謹不可辱乃附書

公子壽不料後來成都城朝夕更覩公顏色貧賤悠悠何足

論所苦止未行胸臆如今朝廷要有人百二秦關望公活

公方被

旨公軍事理陝撫待公功成長揖歸湖上千峰來得得宅中慣我時

卜築近公居內外孫曾并成列

從公張孫女為余為公起舞勸公

飲衡岳山高楚天濶

朝來

朝來咄咄坐書空時局真成累卯同競道狂且擬煬竈那堪年
少藉神叢徒薪曲哭計安用泛宅浮家路未窮我自退飛思用
短不須團扇怨秋風
祈雨龍潭有應
高田低田無滴水眼看禾苗半槁死此邦况是鋒鏑餘公私蓋
藏能有幾隱憂所在可勝言深慮饑饉因緣起而今太守成贅
疣但能執筆署紙尾連年五月輒祈請聽命於神甯得已民是
神主神弗惜民既流亡神何倚無功自不早投劾嗟我與神同
一恥鞭雷倒注渠江流遠近滂沱淚如洗父老額手病者興走

相告語色然喜平生拙宦本尋常旦暮所求直如此

連宵快雨庭前枯竹復活書示墉圻兩兒

朝來怪事真咄咄無數乾竹忽茁自是造物愛孤直不與凡
卉同摧折故將靈液勤護培為遣老懷劇開豁省識頻煩計日
時崢嶸豫想干霄闕一生咒筭不止饒涪皤用意吾所別回頭
却看兩男兒汝曹讀書要自拔會心何必更在遠祇此中虛外
多節風雲際會特尋常尺蠖未礙泥塗屈莫令此君來笑人忽
忽身與名俱裂

遊北巖

經月閉齋閣俯仰多福及茲晨病小愈出門隨所適晴日蕩江

光暖氣墳地脉張目窮高卑浮空動蒼碧透遲赴招提容與循
阡陌禾頭颺白花瓜蔓絡丹竇蟬鳴高樹巔牛臥短牆隙村童
羣跳歌路叟醉扶掖坐覺天地寬始悟襟懷窄古寺雖已荒小
憩足可惜漱石枕迴溪藉草敷長席都忘樹影移那聞梵放夕
宅心豈避喧繕性聊守寂云何彼衆生擾擾未渠得棲鳥噪庭
院炊烟起城闕興盡方歸來還期遲明月

兼簡子壽

薄宦西來七度春每當時節倍愁人即今承乏山城日可奈傷
心戰伐塵仙李風流渺難望國僑縞紵未無因狂吟亦有黃河

句知否旗亭不遽淪

塞帷攬轡覺天寬官閣風清六月寒繞郭江流雲際落隔牆山

紅字
宜缺筆

色雨餘青自來詞客身多賦
口騷人意少歡不見北街黃太

江城寂守兩經春恐被擲掄捷徑人畧分每勞垂素訊不才何
幸奉清塵方當運甍觀幾變未忍逃禪說夢因胡戴中興知有
日吾儕原不慮沈淪

輕裘緩帶量何寬幕府森嚴白日寒道濟量沙驚敵走伏波聚
米作圖看算緡未覺舟車竭挾纊如聞士卒歡乘勝願公急規

光暖氣墳地脉張目窮高卑浮空動蒼碧透遲赴招提容與循
阡陌未頭颺白花瓜蔓絡丹竇蟬鳴高樹巔牛臥短牆隙村童
羣跳歌路叟醉扶掖坐覺天地寬始悟襟懷窄古寺雖已荒小
憩足可惜漱石枕迴溪藉草敷長席都忘樹影移那聞梵放夕
宅心豈避喧繕性聊守寂云何彼衆生擾擾未渠得棲鳥噪庭
院炊烟起城闕興盡方歸來還期遲明月

兼簡子壽

薄宦西來七度春每當時節倍愁人即今承乏山城日可奈傷
心戰伐塵仙李風流渺難望國僑編紵未無因狂吟亦有黃河

句知否旗亭不遽淪

塞帷攬轡覺天寬官閣風清六月寒繞郭江流雲際落隔牆山
色雨餘看自來詞客身多賤從古騷人意少歡不見北街黃太
史憂時涕淚幾曾乾

再疊前韻呈劉公中丞長安

江城寂守兩經春恐被擲掄捷徑人畧分每勞垂素訊不才何
幸奉清塵方當運甓觀幾變未忍逃禪說夢因翊戴中興知有
日吾儕原不慮沈淪

輕裘緩帶量何寬幕府森嚴白日寒道濟量沙驚敵走伏波聚
米作圖看算緡未覺舟車竭挾纊如聞士卒歡乘勝願公急規

取凶渠今已氣中乾

伯昭子壽和予祈雨詩各有所感振觸余懷復疊前韻分寄二

子

吾聞古言民猶水水能載舟覆即死自從失馭便雲擾鑄此大
錯寧可幾朝廷歲歲求賢良不見召杜龔黃起戰征縱或迅拾
遺澄清終是勞牽尾史臣倘執春秋筆量吏責備烏容已譬如
霖雨徧天下尺木之神帝所倚不能澹灾乃貪功沈牛醜酒得
無恥安得將相盡管葛翊戴中興甲兵洗耕田而食鑿井飲上
德不德無怒喜因君作詩先自劾忽發狂言止於此
立秋後毒熱轉甚

火雲如山日如血江流無聲厚土裂坐窗不啻釜甑蒸入夜更
苦蚊虻齧菜蔬盈把難可致酒肉滿器徒虛設未知震雷何處
行忍使老魅恣作孽吁嗟羅施西南天封豕長蛇來窟穴縱橫
村舍纏荒烟浩蕩清溪填白骨斗米萬錢不易糶四境三年那
曾墜小戶假息弄潢池大家忍飢咽糠粃亟須父母問瘡痍何
乃豺狼橫剝割前者軍門按畝捐今來節使輸手實不惜悉索
供軍需倘免造次煩鞭扶哀我人斯死多門縱或熱死猶愈活
更念湖湘東下兵十年介冑生蟣蝨昨報浙西南收復比傳江
右又騷屑首尾奔命敢告勞舟車算緡時慮竭蜀中羣盜雖漸
平隱憂所在猶萌孽况復秦隴與滇黔邊疆時刻虞奔突 兩

宮聖人獨宵旰常膳頓減御樂撤殷憂自是啓宣光負託何期
讓呂葛燭武當壯不如人汲黯少慙願補闕眼穿一夜白髮生
撫事悲來不可撥

吾園

纔將玉簫銷殘暑更聽金風送早秋人事大都彈指頃吾園今
又半年留故山消息苦難好鄰塞烽烟足可憂何事露蛩吟不
了攬余清夢五更頭

今夜

月影穿林出蟲聲入座來小園今夜到懷抱若為開忽作故山
想空增先隴哀幾時共猿鶴重與翦污萊

旱甚嘲雲

作勢都難定憑高若不禁但知工蔽日無復意為霖青犢嗟猶
在蒼生望至今可憐殷浩輩出岫亦何心

七月十七夜

亂雲何自至奪我月華明未是呈祥異徒然穢太清朝廷疑割
棄豺虎任縱橫空令宗周婦中宵白髮生

夜坐

小閣暑猶在高林涼欲歸山容沈寂寂河影淡微微朋舊今都
少鄉書到更稀坐看明月上獨自敞園扉
重遊北巖

昨來曾幾日風景今已殊况乃人間世遷變不須臾永為人外
游聊極視聽娛情來遞哀樂意得何苑枯莊周夢蝴蝶境過豈
復餘溪花自開落山鳥時歌呼不知花鳥心甯有感慨無何事
羊開府置酒多歡戲好為身後名征南無更愚

連雨不止

涉夏頻苦旱入秋乃淫雨陰陽偶乖亂疾病叢肺腑吾聞古聖
世脩明百職舉雖復有怨咨未足妨基緒良由奮乾綱嘖笑不
輕與重離正當陽蒙氣焉敢悔一朝持授人萬計莫能取元魏
方未造孤危如寄主葛杜縱殄除周齊遂分割五大不在邊善
哉無字語

雨夜書懷

雨勢斷還續雷光鬱不開蛟龍移窟宅鼉鼉上樓臺豈是妖氛
洗將母蒙氣灾董生今不見真宰意難推

聞道黔山裡飛書似羽連流亡仍未復盜賊故無前况復租緡
算兼之灾青偏繞床時大叫空灑淚如泉

便令作焚冒底處得田單舉國登陴哭諸侯上壁觀寒風何慄
慄長夜竟漫漫羨爾雙鳥鳥歸飛足羽翰

方占歲大熟又苦雨淒其一笑都難得平生事可知冬衣還滯
贖春種慮無遺父老休長歎天將罪有司

傷秋

西南荒服舊難通勝國湯和始發蒙朝鮮將開降箕子句吳當
治有姬雍天家聲教踰前代父老衣冠尚古風何意隄防疎一
旦竟令掃境化沙蟲

羅鬼誰將駝竇開襄平節使自天來處堂未辨從新計仰屋惟
求有貝才從此推埋起山谷侵尋隴畝盡汙萊後來每况趨愈
下日暮東流不可迴

海水之西水西東縱橫千里變為烽凶渠豈有安邦彥督帥都
無李化龍買舞徵歌偷旦暮喪師震地忍彌縫可憐十載軍前
米盡是村氓剝髓供

朱公平
水西係總督非巡撫請酌

城中小兒女吹蘆笙聲連衢達巷士人家多雇役苗男三戶何
女私竊語長老不出十年黔將有亂時人皆以為妾

堪楚國留重時誅除僅餘其人自是重臣非策略更聞牧令
縱戈矛朝廷倘起朱巡撫當殘破之餘威惠并著西南遂以底

定厥功責效桑榆尚足收

家山此去才千里忽慢音書到總稀不分紀侯成大去直教鄰
子竟無歸圖書早識多亡散池館今來知是非赤水烏江頻斷

絕年年况復告凶饑

南明江外夕陽沈丞相祠前秋色深至竟何人招火濟更無大

筆繼西林甲秀樓在南明江上與武侯祠對中有鄂西虹橋風
林相國平苗紀功鍊柱并公詩數絕刻壁間

景真殊絕相國詩有虹橋風景似水口書堂自古今樓霞山水
江南向橋在甲秀樓下

西南荒服舊難通勝國湯和始發蒙朝鮮將開降箕子句吳當
治有姬雍天家聲教踰前代父老衣冠尚古風何意隄防疎一
旦竟令掃境化沙蟲

羅鬼誰將旣竇開襄平節使自天來處堂未辦徙新計仰屋惟
求有貝才從此椎埋起山谷侵尋隴畝盡汙萊後來每况趨愈
下日暮東流不可迴

海水之西水西東縱橫千里變為烽山渠豈有安邦彥督帥都
無李化龍買舞徵歌偷旦暮喪師蹙地忍彌縫可憐十載軍前
米盡是村氓剝髓供

剩有盤江一段流真成無地可埋憂百年已見伊川兆歸丙午

柴

城中小兒女吹蘆笙聲連衢達巷士人家多雇役苗男三戶何

女私竊語長老不出十年黔將有亂時人皆以為妾

堪楚國留中丞張公廣泗戡定苗自是畫臣乖策略更聞牧令

縱戈矛朝廷倘起朱巡撫朱公變元明崇禎間起家巡撫貴州

定厥功責效桑榆尚足收

家山此去才千里忽慢音書到總稀不分紀侯成大去直教鄙

子竟無歸圖書早識多亡散池館今來知是非赤水烏江頻斷

絕年年况復告凶饑

南明江外夕陽沈丞相祠前秋色深至竟何人招火濟更無大

筆繼西林甲秀樓在南明江上與武侯祠對中有鄂西虹橋風

景真殊絕相國詩有虹橋風景似水口書堂自古今樓霞山水

讀書回首十年如夢過舊遊何處却追尋
堂自古今如
傳來消息劇堪悲旦夕危城百不支
飢掠有踰捐洛日紛奔路
似渡江時千家墳墓生荆杞
百口宗親寄虎罷我已蹠穿還痛
哭更無人為賦秦詩

行看楚粵增屯戍坐見渝瀘會驛騷
蜀不共持鄰好誼將毋上
慰山聖躬勞并攻八道何難碎
深入三方底處逃
重臣若以威望
粵蜀黔移駐重慶分兵八道每道配兵五千
餉取辦各省檄粵
師分由南丹貞豐合趨定廣以通貴陽糧道
蜀師一由永甯一
由仁懷一由綦江一由會於黔西遵義間
并趨貴陽一由涪州趨
安直趨何賊老巢賊必首尾衡決一戰
立碎然後分從龍貴平
越獨山合覆叛苗直拉枯朽耳以
其間重選賢良招徠流亡罷
除詩猛與民休息而後移師向滇
滇宜先規不知滇久淪陷
神天討必有取此策者或以滇
宜先規不知滇久淪陷

蜀將自困何暇規滇兵固有緩急
先後非明者不能決也
盡蕩垢氛罷征斂九重應下
璽書褒子壽寄詩一章
總和余東齋即事及庭前枯竹得雨復活之作
展讀時別有所感復援筆答此

前雨何艱難後雨何容易
恩澤施非時詎足感人意况乃市空

言美聽實不至 國家方中興
詔書問憔悴一紙了勾當百爾

寔痿痺吏襍政愈厖網密法益敝
競爭錐刀末未盡長久利引

領望故山恍惚疑化外如聞豺虎聲
幾下父老淚何時覩威儀
復得食租稅紛吾本弱操與俗每殊
嗜惴惴如集木冥冥却垂翅
凋年苦多憂撫事恒過慮窮人無所歸
清興何由寄霜風萎

草木獨立有深畏不復知所云因君同臭味

襍感三十首

清晨啟東軒衆妙紛在目西山牆上來看我授兒讀好鳥鳴高
枝微風動疎竹脩然世慮捐坐覺炎歊縮誠復似陶公可無酒
與菊

太白忽經天往來失恆度乃在正陽月恐此非細故仰觀帝座
間將相匿不露更聞泰山崩震雷雪寒沍時無董江都測驗得
毋誤天道誠茫然味休輕受推步味羣鳥累千百不如鸞與鷲曠世一
來遊肯為衆人畜賈胡泛滄溟造舟必萬斛良工構廣廈所恃千
章木精誠貫金石朕兆來

夢卜所患舉錯乖燕石當寶玉

漢祖委平勃唐家任房杜亦有雲臺士文武惟所取所以垂祿

長鞭笞震戎虜泊乎魏肅代太阿授佞豎朝廷實贅疣舉國盡

聾瞽寇盜縱翦除東西乃今剖跛鼈戴三山那得不顛仆

獲麟絕筆後大道多荆棘洛閩諸老翁推廓使其真如何希毗

子捧心來效顰豈聞洙泗間乃以講學名徒為世詬病詩書成

罪人廉恥既已喪是非常不伸養士二百年一朝為灰塵

孟氏正人心力距墨與楊大哉承三聖功直追唐虞豈知百世

下秋神乃雄張衣冠化鱗介噓毒彌四方五胡暨二氏未足方

其狂刑政弛不舉有如羸與尪春秋謹華夷誰實墮厥防坐看

神州沈微管吁可傷

襟抱苟淵冲出處無優劣甯聞禹稷心終遜箕穎節如彼殷生
輩故難謝公匹遠謨殊未宏虛聲乃純竊繫援不足論網紀得
毋缺誰能如葛君綜覈在名實

征南明治亂乃不為物許咄哉當世人智乃下鄭賈惟有羊叔
子知之輒復舉猗猗幽蘭花常時蕭艾伍豈冀清風來光氣得
畢吐手中孟着酒故應移勸柱

發號貴必行立法要無紊商鞅何足云猶然徒木信爾迺朝暮
間案牘動盈寸是非糾紛紜前後交凌亂官司靡適從苟且徒
欺謾吏胥得因緣玩弄無忌憚不謂國家事一紙竟了辦

孫卿言富國賞罰實樞要賢才苟不進節儉亦難瘳况復嚮官
爵何殊齋冠盜甯聞駟儂輩而有廉平操源濁流豈清影邪表
必橈名器不足貴人心何由召不見西園開黃巾入其鑿

銀刀一譁譟所在皆攘臂藩鎮道相望况乃令狐輩禍亂逼人
來念之輒心悸如聞渤海守初不煩車騎單車行到官從容亂
繩治譬彼調生馬要使識人意胡然昧翦拂方更增兵議

猛虎在山林百獸伏不作牧守任擊斷千里命所託如何專城
居僅乃知畫諾繫誰黜其權舉動盡束縛逸足追長風向來橫
朔漠中途忽繫維老死難騰躍

軍州屬荒殘屯田實大政魏武明高皇由來此制勝不聞圖富

強乃更錐刀競風有駉牝歌雅著鴻雁詠訓農復通商流人賴
還定誰與起克國一為民請命

漢季推米賊江左奉水僊下逮元明世枝柯益蔓延隄潰漏已
久木蠹腐必先大柄多弄竊外吏復貪殘俗做易為非民貧自
長奸兵禍結不解國本遂以顛如何積薪下尚猶幸未然

皎潔白紈扇想君好容儀宿昔秉心誓皎日以為期奈何秋風
起奪我忽如遺功成難可處勢極須當移由來乃恆理毋賦怨

歌為

延陵有寶劍埋之近千祀水可斷蛟龍陸足刺犀兕登城四五
動彼軍皆披靡何期東高閣曾未刮目視辟如韓淮陰乃與噲

等齒棄捐良可悼忍更事銷毀

團團舊銅鏡皎皎秋月光焉知棄捐後得上君子堂拂拭猶未
幾虧蔽終見傷所以明哲人撫膺甘遁藏

衆口鑠黃金三人成市虎慈母尚投杼何況非吾與雖賞中山
功至竟心齟齬讒夫盡高張烈士死無所為歌青蠅詩感激淚
如雨

大道明未融皇路多崎嶇燕雀方啁噍處堂了不虞甯知隣哭
火焦爛及其雛營營亦何為權位實禍樞緯蕭有丈人逝將從
之居汎汎波上下偷以全吾軀

為物不得動乃遂及於難世人罕所悟徒勞韓母歎天運有乘

除人世多代變浮雲空際馳奄忽失所在慨想華亭嘆欲聞那
得再所以古達人懼為一官賣

使我身後名不如即時酒達哉張季鷹陶公前無有縱不為尊
鱸詎復蒙塵垢荒塗何茫茫攬鏡驚老醜坐看秋風起中夜恆
回首

甘茂間樗里蔡澤攘范雎方將謂智數並世皆可欺曾復幾何
時禍患亦隨之蚤知必爾耳甯更遭傾危君看間草木榮落聽
其宜百鳥各來徃更無人是非

二李相傾軋所爭勢利耳乃垂四十年燎原猶不止侵尋白馬
驛一網盡如洗是非既云亡宗社亦墟矣嗚呼朋黨禍毒烈竟

至此緬思唐虞世百度平於水禹臯既登崇共驩遂流徙豈聞
同黨猶或得臻上理繫誰倡調停適自隳網紀

漢末遘陽九名士多清論要使橫中流歸然節誼鎮何期月旦
評遽觸羣小愠哀哉鉤黨興炎基遂中僨見幾不終日先師有
遺訓邈矣申屠蟠樹屋避無悶

所惡成瘡痂所好生羽毛尚論千載間白黑猶溷淆矧迺當其
時門戶相訾謗張更百出同室戈乃操是非豈有真彼此徒
說說臧否絕口無阮公誠賢豪

奄瑾昔用事衣冠被摧辱咄咄李東依阿但尸祿倘希折檻踪
甯煩祖道哭人言豈不畏其奈世故熟太邱弔張讓狗尾那容

續末世祖餘智闕然媚流俗山水千萬重未足喻深曲使心毋
太勞方謂妄為覺
張陳凶其終蕭朱隙其末乃知責望深正坐然信密倘使長賤
貧甯復相傾軋以彼市賈心反復豈足恤程公乃署門所見何
不違嗟嗟世事非交道特其一
濯濯黃葵花含芬向朝日素羅徹水肌金盤薦朱實有如嵇中
散自然出天質旦暮鎮相守襟神坐來逸世務了不關甯能歎
逢筆
中情苟清曠甯必仲長宅不見榮啟期行歌殊自適傾身却障
簾何若幾緇履寄聲蜉蝣輩楚楚不終夕俯慙潛深鱗仰媿凌

霄翮

貧賤思富貴富貴履危機胡為繫援智乃遜斷尾雞舉家逃灌
園於陵有前徽買山而後隱宜為深公非四海盡屠羅鷲鷲將
安歸
晚下北崖
燈火起萬家暝色靄而至遙峯發靜想喬林約清吹情懽境自
新意得形無累更期詰朝來頽然吾已醉

西郊觀刈稻

秋來天氣佳出郊趁清曉問我何所營駕言觀刈稻但聞程程
聲頃刻千畦掃小憩復疾作饑饋來翁媪童稚尾其間遺滯盈

懷抱時時灌木陰笑謂今年好賴茲半月晴畀我收割了農家
終歲勤乃得一日飽士生不艱難胡然怨枯槁

我家成山下薄田遺數畝衣食粗足營鄰里不吾否歲時相勞
苦隻雞或斗酒長幸無異患者死在戶牖不圖遭際會來作此
邦守周旋二年餘初心已多負差幸晴雨時遠近稱大有日余
竇寡德豈為天特厚將毋念我民遭亂亦已久

亂定會有時年豐長若斯更願得神君久任無量移捐輸令不
下津帖罷自茲時節多笑言雞犬無是非區區豈復奢天或不
靳之我為告有位民情大可知請賡甫田什母歌長楚詩

除草

上天無醜好萬類同一育以茲園中草亦各生意足侵尋種類
多蔓延過瓜菽遂令清曠居蒙翳不可目其間長蚊蚋向夕伺
人肉更多蝮蛇遊捕影時放毒因循苟不理那免童稚哭勅奴
趁日中取次連根剷束縛昇炎火於律未為酷慎莫作調停他
年或歸獄

江樓曉望

江臯際清曠層樓結脩聳時節多暇豫簿書撥空惚憑欄望四
周賞心不一種草根夕露沈樹頂朝光動衆水渾斯漲連峰斷
猶湧櫓聲懸中流崖瘴委依空烟重林開遲洲長鳥飛勇橫縱
帶市塵青黃繡畦隴世事競蠻觸人情持鷓蚌俯仰幾何時今

古各同家紛吾本弱緒用短成荒冗事去願多違年來夢無恐
惟慙理人術明恩實孤奉於空臥重林開五世身昂奔良蘇然
八月十七夜月江樓宴集於空臥重林開五世身昂奔良蘇然
今年中秋雨無月意不憚豈知月有情相留在今夕冥冥灌木
沈稍稍墟烟積遠浦墮微茫遙山斂蒼碧呼月上江樓試與披
肝膈往年在綿州萬死出鋒鏑禍變忽無端逼人過狂賊僮僕
驚走藏妻孥意慘惻是時月正圓照我獨寡色後來扶權壩連
山樹營柵指畫垂成禽遷延竟縱敵寸心不能平有月亦何益
畏途冒幾千繁憂醪累百未料存至今恐復蹈曩昔月間似大
笑曷不滿浮白陰陽迭盈虧金石多圻泐人生況不如百年直

過隙事往休更悲懼來且當惜

郊遊

簿書謝窘束池館逼悽冷空愁屬盡揮清興遂以騁扁舟亂驚
波微徑緣脩嶺喬林冒嵐暉崩石礙雲猛密竹隱斷垣寒花棲
露井情愉境轉幽路緬神逾整下尋迴溪窮復度危灘警初經
洽故懽稍前暢新領威遲陰壑底倚徙絕壁頂零雨江際霏殘
陽山外影斟酌自成趣談笑不覺永終焉返初服那必田二頃

東園即事

脩竹如佳兒稜稜競露爽古柏排雲間穆若太邱長旁植桂一
株清芬自騰上下有兩畦菊神情特蕭放老子著其間超然天

際想

郡齋聞雁

草木又黃落故山人未歸中宵風雨至寒色動簾幃旅雁求其
偶哀鳴天際飛將毋矰繳避寧為稻梁肥

東園漫興

湛露布新澤微霜凋故陰雲山呈詭色風葉奏殊音萬事不長
好百年勞寸心終舍汝南諾遠希彭澤琴謂予或不信有如江

水深

窗外芙蓉花昨來開累百飛霞燿天半濯錦爛江磧時節正勤
懽園林驟生色况負拒霜性足以數晨夕知否後來人珍重余

手植

離離百本菊培之蓋有日如何秋已盡繁英猶未纈將毋養精
神不祈炫芳潔英雄騰末路志士厲晚節獨立亦良難嗟汝傲
冰雪

古柏何自至疑是神降嵩鱗鬣近養成矯然如游龍明堂富梁
棟小大無不充雖復臃腫材夙夜亦在公誰令負奇質生長窮
山中

有鳥名鷓鴣時集沙棠樹夜半呼匹儔嗚嗚作鬼語人生誰百
年俯仰如朝露况我足疵瑕有死不擇處豈復戀符守無勞向
恐怖

雪堂聽雨圖為鄧伯昭作

圖為君丁未戊申客黃州時憶弟作先是君尊上與君叔父
南湘臯老人約偕隱繪聽雨山房圖蓋取坡頰對床意也
人生有至樂聚處忽不知每當風雨交重以長別離道里既悠
遠山川又間之即事靡所親念來無已時在昔懷遠驛感慨甯
匪斯况我鮮兄弟一官常在羈豈無編紵懽孰解人琴悲竭來
讀君圖心焉寫前徽一門兩坡頰并世同追隨冥冥天際鴻形
影相因依鞞鞞紫荆樹合并無參差此福我不如起坐生餘悽
自從干戈來物換星亦移為問黃州角雪堂今是非

晚步東園

暮色倏以集行散來空庭嚴飈下病葉定水涵明星俯脈土膏
凍仰瞻天氣清即物盡殊狀感我非一情
郡齋東偏禡植花木余來其間蓋三年矣夏秋屢乞代近乃得
請行將舍去各別以詩

柚

老柚四五株軒翥翼飛簷我時臥北窗愛此陰不炎霜風落其
實足果羣兒饒以茲耐歲寒為汝三年淹夔門種劇嘉絡根寄
嶺巖好事采遺我奉以紫綺緘至味敢專饗植之籬東南陽春
勤拂拭稜稜露勾尖今我乞受代歸裝已都嚴遲汝大十圍他
年知誰甜

牡丹

可憐牡丹花產自巴山陽天生奇麗姿淪落在道旁况當鋒鏑
餘摧折氣不揚包裹兼舟輿健步遠取將灌溉二年來離立如
我長綠珠未至艷瑤英詎云香秦女乘綵雲爛其盈中堂伴我
朽退質懽然若平生陵谷有時改此情何得忘
厚樸花

巴山二千里北接終南青奇氣不肯洩樸也鍾其靈三十年一
花蒂厚肉有稜亭亭綴老幹蔚若流霞蒸禱之茗飲中舌本回
餘馨通關利氣海頓使憂患平世人味炮炙但識參與苓有如
瓊瑋材埋沒無所鳴恨不際神農使汝揚休聲

柏

柏也中棟梁矯矯三雄白日門雷雨青天飛虯龍百鳥託其
下廓焉仰睨矇如何寄閒散偃蹇與吾同豈伊世朽鑿將毋實
愚蠢服美畏人指石堅還自攻無用天迺全造物意良豐老氏
貴守雌達人識固窮願厲歲寒操高躡商洛蹤他年試羸糧千
里來相從

桑

有鳥懷好音曉鳴桑樹顛開襟聽鳥語遠見牆上山我愛牆上
山日日來其間吏胥毋我恩乃公正爾間此邦本瘠土衣食或
不完甯須煩長官旦暮試蒲鞭老子况婆娑秉質多癡頑久夢

江湖尊肯爭阜樞賢優游聊卒歲生事差得賢何必後來人持
比甘棠焉
竹
嵇阮生不逢襟期何所寄故應愛此君到處輒手植移根西山
隈歲首勤養字冒土曾幾何已具凌雲勢秋來長子孫澌澌無
行次譬如驟貴人遷轉破常例異軍號蒼頭特起自成隊泠泠
好風來爽然中人意翻勝羣兒愚祇益向平累萬歲千秋後魂
魄當來憇

菊

我家成山下塵事終年少每當秋風時一樽共清曉美人來如

雲落英餐亦飽自從被饑驅幽光為誰好老屋餘數椽比復兵
火燎失計夫何言念來徒自齒幸此百本菊緩我愁腸攪弱女
雖非男固足慰衰老止恨師淵明投劾去不早

紫荆

清晨望簷端十丈飛紅霞白日影到地之而作龍蛇天公憐寂
寞連歲生光華吾聞古田氏至精矢靡他坐令千載來魂魄入
此花我時撫遠柯感激長悲嗟平生鮮兄弟獨宦天之涯豈無
他人懽孰與同懷耶安得如汝福年年無參差

何首烏

伏波餌薏苡子美拾黃獨豈必延壽年聊不負此腹何人種首

烏蔓延東牆曲下有千歲根大如兒在緝聞此蓋有年可見不
可劓我今髮種種憂患都飽熟不死殆天幸敢冀羣仙錄百年
亦何為擾擾徒形役

蘭

百卉媚春華光寵殊自幸蜂蝶何紛紛日長夢未醒甯知幽蘭
花綽約抱孤影有如忘機人塵憂自能整甘處籬落中永與蕭
艾等芳澤豈不希彫傷亦可省曾聞上蔡歎正坐心難冷君蹈
信云高我性復多耿臭味無差池榮辱早除屏行矣夫何言萬
世同一頃

世同一頃

夫何言念來封自端幸如日本蘭給亦然歎辭

